

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-1940/17
Datum, 22.08.2017.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

ZAPISNIK

Sa 9. sjednice Općinskog vijeća Maglaj
održane dana 22.08.2017.godine u 9,00 sati u sali
JU Dom kulture «Edhem Mulabdić» Maglaj

Sjednicom predsjedava Svjetlana Zamboni, predsjedavajuća Općinskog vijeća.
Sjednici prisutan općinski načelnik Mirsad Mahmutagić,
Zapisničar, Nisveta Bašić

Predsjedavajuća OV, govori na osnovu člana 59. Poslovnika o radu Općinskog vijeća Maglaj i zaključka Kolegija OV od 30.06.2017.godine, Programa rada OV za 2017.godinu, te ukazane potrebe otvaram 9. redovnu sjednicu Općinskog vijeća Maglaj.

Na današnju sjednicu pozvani su vijećnici parlamentarnih političkih stranaka, SDA-a, SDP-a, SBB-a, DF-a, HDZ-a, SBiH-a, SP/U-a, kao i samostalni vijećnik. Pozivan je i Općinski načelnik, rukovodioci općinskih službi, predstavnici JU i JP, kao i predstavnici čiji materijali će biti razmatrani na današnjoj sjednici OV. Poziv za sjednicu i materijal dostavljeni su OSCE-ovom terenskom uredu Travnik i sredstvima informisanja koji prate rad današnje sjednice Vijeća. Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Vijećnik Benjamin Čičkušić podnio je ostavku na mjesto vijećnika u Općinskom vijeću. Obavljena je sva potrebna procedura i dana 11.08.2017.godine Centralna izborna komisija dostavila je fotokopiju Uvjerjenja o dodjeli mandata vijećnika u Općinskom vijeću Maglaj, te Odluku o prestanku mandata i dodjeli mandata slijedećem kvalificiranom kandidatu broj: 06-1-07-1-253/17 od 27.07.2017.godine sa klauzulom pravosnažnosti, za vijećnicu Hasanić Šefku.

Pozivam Hasanić Šefku da da svečanu izjavu, molim prisutne da ustanu.

Šefka Hasanić dala je Svečanu izjavu.

Upućene su čestitke Šefki Hasanić.

Pozivam predstavnika općinske administracije da prozivkom utvrdimo broj prisutnih vijećnika.

Konstatujem da sjednici prisustvuje 23 vijećnika.

Nisu prisutni vijećnici Bešić Mustafa i Delić Fikret.

Konstatujem da OV može punovažno raditi, odlučivati, donositi odluke, zaključke i rješenja, ovim je ispoštovan član 88. Poslovnika o radu OV Maglaj.

U skladu sa članom 80. Poslovnika o radu na današnjoj sjednici izvršiti ćemo verifikaciju zapisnika sa 8. redovne sjednice OV. Da li ima primjedbi na zapisnik sa 8. sjednice.

Nema primjedbi

Verifikuje se zapisnik sa 8. sjednice Općinskog vijeća Maglaj

Jednoglasno

Da li ima primjedbi na dnevni red koji je dostavljen u sazivu za 9. redovnu sjednicu Općinskog vijeća. Ima li prijedloga, dopuna, izmjena dnevnog reda?

Općinski načelnik, želim vam predložiti da ponuđeni dnevni red proširimo za još jednu tačku dnevnog reda. Znate da je bilo formiranje novih upravnih odbora, da u dvije ustanove u JU Dom zdravlja i JU Narodna apoteka, moraju biti predstavnici Ministarstva ZDK. S obzirom da se u JU Narodna apoteka niko nije javio ispred Ministarstva, a da je za JU Dom zdravlja data suglasnost na tri mjeseca predlažem da se danas donese Odluka o poništenju dijela Javnog oglasa i raspisivanju ponovnog Javnog oglasa za imenovanje na upražnjenje pozicije u reguliranim organima Općine Maglaj – člana Upravnog odboru JU "Dom zdravlja" Maglaj i člana Upravnog odbora JU „Narodna apoteka“ Maglaj.

Predsjedavajuća OV, da li ima još prijedloga i sugestija na predloženi dnevni red?

Konstatujem da su vijećnici Bešić Mustafa i Delić Fikret pristupili na sjednicu Općinsko vijeće, tako da Općinsko vijeće radi u punom sastavu.

Pauza za Klub SDA.

Vijećnik Safet Jašić, Klub SDA je od samog početka bio protiv smjene Upravnih odbora i iz tog razloga Klub SDA neće podržati produženje dnevnog reda sa ovom tačkom.

Vijećnik Hajrudin Ferić, Želim da predložim izmjene dnevnog reda i to da se tačka 13. Odluka o kućnom redu, upravljanju i korištenju stambenih i stambeno poslovnih objekata i tačka 145. Pravilnik o uslovima za obavljanje poslova Upravitelja skinu s dnevnog reda. Da se tačka 13. Odluka o kućnom redu, upravljanju i korištenju stambenih i stambeno poslovnih objekata, vrati na doradu da se pripremi jedan kvalitetniji tekst ove Odluke i da se usaglasi sa odredbama Zakona o stvarnim pravima, tako i Zakona o korištenju, upravljanju, održavanju zajedničkih dijelova i uređaja zgrade sa ovim Kantonalnim zakonom. Isto tako da se i kaznene odredbe koje su predviđene u ovoj odluci usaglase sa zakonima, ne sa ovim Zakonom o korištenju, nego ima više zakona koji tretiraju te odredbe, a nisu usaglašene, čak su predviđene i manje. Dakle, ima dovoljno argumenata da se vrati na doradu, a da se ovaj Pravilnik o uslovima za obavljanje poslova upravitelja, na nekoj od narednih sjednica ponovo vrati, a nakon što usvojimo ovu dorađenu Odluku o kućnom redu...

Vijećnik Bešić Mustafa, predlažem da se s dnevnog reda skine tačka br. 3. Prijedlog Odluke o dodjeli javnih priznanja za 2017. godinu.

Pauza za Klub SDP-a.

Vijećnik Bešić Mustafa, nakon usaglašavanja povlačim prijedlog skidanja tačke s dnevnog reda, ali ćemo se izjasniti u toku rasprave o čemu se radi.

Pauza za Klub DF.

Predsjedavajuća OV, nakon pauza za usaglašavanje klubova, pročitat ću dnevni red kako su predlagali nakon usaglašavanja.

Klub SDA je već iznio svoj stav po prijedlogu Općinskog načelnika.

Dajem na glasanje prvi prijedlog Općinskog načelnika da se uvrsti tačka dnevnog reda Odluka o poništenju dijela Javnog oglasa i raspisivanju ponovnog Javnog oglasa za imenovanje na upražnjenje pozicije u reguliranim organima Općine Maglaj –člana Upravnog odboru JU "Dom zdravlja " Maglaj i člana Upravnog odbora JU „Narodna apoteka“ Maglaj

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Glasalo 11 glasova protiv: Adis Abdurahmanović, Nedžad Alispahić, Selma Avdić, Kanita Bašić, Mirsad Bežić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA.

Glasalo 1 uzdržan: Josip Jurišić (HDZ)

Predsjedavajuća OV, slijedeći prijedlog bio je prijedlog dopredsjedavajućeg da se tačke 13. i 14. Odluka o kućnom redu, upravljanju i korištenju stambenih i stambeno poslovnih objekata, vrati na doradu, a da se Pravilnik o uslovima za obavljanje poslova upravitelja, usvoji nakon što se doradi Odluka o kućnom redu, ko je za ovaj prijedlog

Usvojeno sa 24 glasa za i 1. uzdržan glas Josip Jurišić (HDZ)

Imali bismo 17. tačkara dnevnog reda koji bi glasio:

DNEVNI RED

1. Izvještaj o izvršenju Budžeta/Proračuna Općine Maglaj za period 01.01.-30.06.2017. godine;
2. Odluka o izmjenama i dopunama Budžeta/Proračuna Općine Maglaj za 2017. godinu;
3. Prijedlog Odluke o dodjeli javnih priznanja za 2017. godinu;
4. Prijedlog Odluke o usvajanju Regulacionog plana «Groblje Borik» u Maglaju;
5. Prijedlog Odluke o provođenju Regulacionog plana «Groblje Borik» u Maglaju;
6. Prijedlog Odluke o usvajanju djelimične izmjene Regulacionog plana «Centar Maglaj – sjeverni dio.
7. Prijedlog Odluke o zamjeni nekretnina - zemljišta u vlasništvu Općine Maglaj i vlasništvo Gračić (Salih) Senad iz Maglaja;
8. Prijedlog Odluke o ODLUKU o prodaji nekretnine neposrednom pogodbom Bašić (Selim) Amiru radi oblikovanja građevinske parcele;
9. Prijedlog Odluke o zamjeni nekretnina - zemljišta u vlasništvu Općine Maglaj i vlasništvo Kalabić Hakije iz Maglaja;
10. Prijedlog Odluke o privremenom upravljanju, uređivanju i održavanju pijace rabljene i druge robe;

11. Nacrt Odluke o komunalnoj naknadi;
12. Nacrt Odluke o utvrđivanju vrijednosti boda komunalne naknade;
13. Informacija o rezultatima utvrđenog stanja nekretnina u posjedu – vlasništvu Općine Maglaj, a koje bespravno koriste druga lica;
14. Zaključak o obustavi postupka po zahtjevu RVI za dodjelu zemljišta, zbog odustanka i poništenje Rješenja Općinskog vijeća Maglaj 02-05-1-1617/17 od 07.07.2017.godine;
15. Prijedlog Odluke o davanju naziva Kino sali Doma kulture «Edhem Mulabdić» u Maglaju, a po prijedlogu Ambasade Republike Francuske;
16. Informacija o klizištima na području općine Maglaj;
17. Odluka o poništenju dijela Javnog oglasa i raspisivanju ponovnog Javnog oglasa za imenovanje na upražnjenje pozicije u reguliranim organima Općine Maglaj – člana Upravnog odboru JU "Dom zdravlja " Maglaj i člana Upravnog odbora JU „Narodna apoteka“ Maglaj

AD - 1. Izvještaj o izvršenju Budžeta/Proračuna Općine Maglaj za period 01.01.-30.06.2017. godine;

Općinski načelnik, iznio uvodno izlaganje po pitanju Izvještaja o izvršenju Budžeta/Proračuna Općine Maglaj za period 01.01.-30.06.2017. godine.

Otvorena je rasprava

Vijećnik Hajrudin Fermić, naime, u samoj preambuli ovog Izvještaja stoji u cilju informiranja Općinskog vijeća. Ja bih upozorio ovdje na član 92. Zakona o Budžetima, u kojima se decidno kaže da službe imaju obavezu da podnose izvještaj Općinskom načelniku. Ovog se desilo i u Informaciji za prava tri mjeseca, da ne bi bilo takvih zabuna, da je to neka dobra volja da nam se dostavljaju izvještaji želim da kažem da se u toj preambuli ubuduće imamo i za treći kvartal i naredni vodi računa o tome.

Dosta stvari u svom uvodnom izlaganju Načelnik je već rekao i zaista se da primijetiti određena tendencija jednog racionalnog trošenja Budžeta, budžetskih sredstava, jedan napor da se povećaju prihodi onoliko koliko se mogu povećati.

Imam jednu sugestiju, koja puno znači, a to je da je primjetno za prvih šest mjeseci naravno da ima hiljadu opravdavajućih okolnosti, zašto je to sve tako da se vodi računa o principu transparentnosti jer u prvih 6 mjeseci podosta stvari nije objavljivano ni u Službenim novinama Općine Maglaj, nije bilo javnih poziva, nije bilo obavještenja itd. Naravno i šest mjeseci je treba dovoljno vremena da čovjek vidi šta je poduzeto, šta je naslijedio i da se radi, ali bez obzira na sve, jedna sugestija da se u narednom periodu vodi računa o tom principu, pa i obavezama prije svega obavezama prema javnosti, odnosno transparentnosti.

Vijećnik Nedžad Lokmić, mi smo na Klubu SDP-a raspravljali o ovom izvještaju i iznijeti ću ukratko naša razmišljanja. Nakon više od 7 mjeseci proteklih u ovoj godini u prilici smo da se osvrnemo na taj period, vraćajući se istovremeno i na period s kraja 2016. godine kada smo radili na izradi Budžeta za 2017. godinu čiji jedan dio tj. prvo polugodište analiziramo danas, odnosno usvajamo ovaj Izvještaj o izvršenju Budžeta Općine Maglaj za period 1.1. – 30.06.2017.godine. I tada smo izrazili nadu i uvjerenje da će ovaj Budžet biti također i razvojni, što se i pokazalo u ovom izvještaju, no dijelom on mora biti i potrošački i socijalni. Iz izvještaja je vidljivo da je detaljno razrađen i urađen u skladu sa važećim zakonskim regulativama. Naravno u oči odmah pada i to da procenti izvršenja variraju od jako niskih do jako visokih ili su pak iznad planiranih...

Dobro je da se odmah poradilo na izmjenama i dopunama Budžeta/Proračuna Općine Maglaj, koji je svakako bolje uraditi sada nakon I-polugodišta nego kasnije ili kako je to slučaj bio na kraju godine. Ovakvo je sve transparentnije, otvorenije i bliže javnosti...

U ime Kluba SDP iznosim stav da podržavamo ovaj Izvještaj.

Vijećnik Edib Delić, Klub vijećnika SDA je razmatrao ponuđeni Izvještaj o izvršenju Budžeta/Proračuna Općine Maglaj za period 01.01.-30.06.2017. godine, donio je slijedeće zaključke:

Ja ću iznijeti dio zaključaka ispred Kluba, dok će moje kolege iznijeti sve ostalo.

- Prvo što želimo istaći da su ova vladajuća struktura i Općinski načelnik predložili Budžet za koji su odmah nakon 6.mjeseci ponudili Rebalans budžeta, jer druga tačka Dnevnog reda ove sjednice nije ništa drugo do Rebalans, a što je u prethodnom periodu stalno isticano u negativnom kontekstu.

- Iz izvještaja je vidljivo da su prihodi ostvareni sa cca 500.000,00 KM veći za prvih 6.mjeseci ove godine u odnosu na isti period prethodne godine, a samo cca 600.000,00 KM je u ovoj godini naplaćeno za KGZ i KN od Elektro distribucije Zenica i to putem blokade žiro računa odnosno sudskim putem, a ne umijećem ove vlasti, a imajući u vidu da je u decembru prošle godine naplaćeno još cca 100.000,00 KM, takođe blokadom računa, jasno se vidi da je ovih cca 600.000,00 KM naplaćeno zahvaljujući prethodnoj vlasti, a to je kao efekat donijelo pozitivan finansijski rezultat.

- Nije trebalo i to nije uloga lokalne samouprave da štedi i novih cca 200.000,00 KM, a da ne udovolji osnovnim potrebama građana kada je u pitanju Rekonstrukcija i održavanje puteva, te nije trebalo štediti na uslugama zbrinjavanja pasa lualica gdje je planom predviđeno 30.000,00 KM, a izvršenje za prvih 6.mjeseci je 0%, a u istom periodu prethodne godine u ove namjene utrošeno je 25.000,00 KM. Mi smo do sada kao Klub

nekoliko puta postavljali vijećnička pitanja i insistirali na rješavanju ovog problema i bilo bi nam drago kada bi danas na sjednici OV dobili odgovor da je konačno sklopljen Ugovor sa nekim od subjekata za rješavanje ovog problema. Drago nam je ukoliko psi lualice više nisu problem za građane Maglaja i iako je u prethodnom periodu daleko više urađeno po ovom pitanju. Građani su bili spremni maltene izaći na proteste te se pitamo da li se građani boje podići glas kada je u pitanju traženje da se riješi ovaj problem ali i drugi njemu slični.

Vijećnik Adis Abdurahmanović, pored ovoga što je iznio kolega Delić ja ću se osvrnuti na slijedeće stavke:

- Žaloso je da su izdaci za tekuće održavanje i rekonstrukciju ulične rasvjete na analitičkom kodu 613726 izvršeni u procentu 0%, pa nas interesuje sa koje pozicije se vrši održavanje ulične rasvjete. Jasno je da se u Mjesnim zajednicama sijalice ne mijenjaju, ali se u gradu mijenjaju, ali sa koje pozicije u budžetu ne vidi se ovim Izvještajem.

- Žaloso je da se na sanaciju klizišta namjenska ili sopstvena sredstva utrošilo 21.000,00 KM, a planirano je za 2017.godinu 200.000,00 KM i ostvarenje je 10,89%, što se može vidjeti na analitičkom kodu 613729. Zašto se nisu mogla iskoristiti sredstva od cca 1.milion KM iskazana suficitom u budžetu. Vjerovatno se šteti na građanima koji žive na ugroženim područjima, a da podsjetimo, predizborna obećanja su bila upravo suprotna. Mislimo da ovo nije pozicija gdje se smije štedjeti.

Vijećnica Selma Avdić, iznosim stav Kluba SDA

- Pitamo se da li je moguće da se štedilo i na invalidskom sportu , gdje je izvršenje na analitičkom kodu 106, tekući transferi neprofitnim organizacijama, uštedeno 18% u odnosu na Plan , a 10% u odnosu na izvršenju u istom periodu 2016.godine.

- Da li je moguće da se za 6.mjeseci budžet prema JU Dom zdravlja izvršio sa samo 33.800,00 KM, dok je u istom periodu 2016.godine izvršen sa 60.000,00 KM. Je li ovo zalaganje Načelnika i općinske vlasti za što bolje zdravlje građana, a ovo su sredstva koja namjenski koristi Služba hitne pomoći.

- Malo nam je nejasno, pa mi nam bilo drago čuti predstavnike boračkih udruženja prema kojima je izvršenje budžeta 34,72%, a u prethodnom periodu izvršenje je bilo 50% i da bude jasnije, udruženja koja su trebala dobiti po 5.000,00 KM kao što je to bilo 2016.godine dobila su 3.125,00 KM, a ostala Udruženja imala su procenat izvršenja budžeta od 31,25%.

Vijećnica Šefka Hasanić, zahvalila se na čestitkama za prijem mandata u Općinsko vijeće. Razmatrajući ovaj Izvještaj za prvih 6 mjeseci realizacije Budžeta Općine Maglaj malo je nejasno pa ću postaviti neka pitanja:

- Je li moguće da su se izvršile uštede i na radu Javne kuhinje , pa je budžet izvršen sa 31,25% odnosno 12.500,00 KM, a u istom periodu prethodne godine izvršenje Budžeta je bilo 50.000 KM, odnosno 20.000,00 KM u odnosu na planiranih 40.000,00 KM? Nema šta, ovaj transfer koji je na poziciji 119 za one koji nisu vidjeli, je zaista dokaz koliko je socijalno osjetljiva ova vlast koja se ne libi veći iznos isplatiti svojim aktivistima kroz jednokratne pomoći, pa i ne čudi da je zafalilo sredstava za iste, odnosno za ispunjenje datih obećanja, pa je u Rebalansu Budžeta ovaj iznos podignut za 100%.

- Na vijećnička pitanja i inicijative koje su pokrenute u interesu pomoći poljoprivrednicima i posljednji slučaj otkupa cijene malina, odgovor je nema novaca, a iskazan je suficit u Budžetu Općine Maglaj. Je li i dalje nema novca za pomoć malinarima i poljoprivrednoj proizvodnji?

Vijećnik Safet Jašić, ja ću se osvrnuti na dvije stvari a radi se o kulturi i mladima.

- Nije realno da je izvršenje transfera za kulturu, analitički kod 111, samo 9,82% odnosno u iznosu od 4.420,00 KM i to bez Javnog poziva i bez obzira što je u istom periodu 2016.godine procenat bio 18% u iznosu od 8.500,00 KM je ipak duplo veći u odnosu na izvršenje za prvih 6.mjeseci ove godine.

- Ni u vrijeme SDA i drugih koalicioničkih partnera koji su u proteklom periodu bili vlast, nisu se mogli pohvaliti izvršenjem budžeta za mlade (učešće u projektima) u iznosu od 12,50%, ali to je ipak visok nivo izvršenja u odnosu na 0% koliko je izvršenje za prvih 6.mjeseci ove godine.

Na kraju stav Kluba a iz naprijed navedenih razloga koje smo iznijeli ispred Kluba, Klub vijećnika SDA ne prihvata Izvještaj o izvršenju Budžeta Općine Maglaj za period 01.01-30.06.2017. godine, a iz svih navedenih diskusija vijećnika SDA ne vidi koliko je ova vlast malo uradila. Koliko drži do svojih obećanja, kakva joj je socijalna osjetljivost, a vidi se i koliko je uložila u privredu, poljoprivredu, turizam u kojem treba tražiti novo potencijalno zapošljavanje. Zašto ne reći da ne bi bilo projekta čiji radovi su privedeni kraju i koji se privode kraju, a koje je obezbijedila prethodna vlast SDA, za ovu vlast se može reći da nemaju rezultata rada u ovih 6 mjeseci.

Vijećnik Bešić Mustafa, ne mogu da ne reagujem na izjavu kolegice gdje kaže umanjili boračkim udruženjima 33 %. Što se mene tiče, javno govorim ja bih im umanjio sve i dok sam ja u Vijeću borit ću se da im ukinemo sve. Ako znamo šta rade i za koga rade. Kakve ima fajde borci i RVI od tih udruženja, punimo njihove džepove, njima obezbjeđujemo neke plate. Ja ovdje javno govorim za govornicom borit ću se u Vijeću da boračka udruženja 0 KM imaju. Gladate na televiziji i znamo kakva je njihova situacija, protestuju više od 2 mjeseca pred Vladom FBiH. Imamo 1600 udruženja koja crpe našu krv. Ja sam demobilisani borac i RVI i ništa nemam od njih, šta će nam. Te pare da se transparentno rasporede i borit ću se javno govorim da im ni 1 KM ne ide tim udruženjima.

Općinski načelnik

- slažem se sa stavovima gospodina dopredsjedavajućeg o principu transparentnosti i da se uredi ova

preambula i to će Služba uraditi.

Vijećnik Edib Delić kaže, zašto rebalans u šestom mjesecu a nismo to prije podržavali. Vi Deliću kao da nikad niste bili vijećnik, a ja godinama tražio čak smo nametali zaključak Vijeću i bio zaključak vijeća da se nakon šest mjeseci ukoliko prihodi i rashodi odstupaju da se ide s rebalansom. Ovo je prvi put za 12 godina da se ide s rebalansom...

Nije KGZ donio ove pozitivne efekte povećanja prihoda poreznih i neporeznih, KGZ je nešto za sebe i to jeste što je išla presuda, i to nije radila vlast, nego je radio pravobranilac i pravobranilac vodi sve procese ispred Općine, pa i taj. Ima još rezultata koji su na putu kad je u pitanju rad pravobranioca.

Psi lualice su problem 20 godina i ja se pitam gdje je otišlo tih hiljada KM prošle godine nije ništa urađeno, kao što nije ni ove. Trenutno ne možemo doći da zakonskim putem to riješimo, ali radimo na tome da trajno pokušamo riješiti problem pasa lualica...

Ulična rasvjeta nemam komentara.

Štediti na građanima, nećemo štediti na građanima, mi ćemo u skladu sa mogućnostima Budžeta pomoći građanima onoliko koliko možemo, a nećemo rasipati na građanima i neće biti jedni te isti pretplaćeni...

Ni na kakvom sportu nema uštede, Služba radi to sam objasnio imaju zaduženja, prate procenete i to rješavaju. Išlo je u sedmom mjesecu i to sam pojasnio.

Budžet prema JU Dom zdravlja. Ja se pitam gdje je trošen novac koji je transferisan Domu zdravlja, a nadam se da će novi UO to provjeriti. Provjerili smo okolo ni jedna općina ne finansira Dom zdravlja u onim stavkama koje su finansirane ovdje. Finansiraju se kapitalni projekti... Dom zdravlja će dobiti sve ono kao i ostale JU koje im pripada po zakonu, po odlukama itd.

Udruženja nisu dobila ništa manje, nego ne ide isplata za ovaj mjesec nego prethodni. Niko udruženjima neće uzeti ništa.

Kakva ušteta javne kuhinje, odakle vam takva informacija i dezinformacija? Sve s «Merhametom» ide po planu i programu i idu isplate kako je dogovoreno i prati se Budžet.

Primjedba aktivisti kroz socijalnu pomoć. Svi možete dobiti spisak ko dobija pomoć, pa provjerite ta imena...

Poljoprivreda, prethodna vlast nije apsolutno podržavala poljoprivredu, uzmite izvršenje po godinama pa ćete vidjeti. Isplata poticaja za poljoprivredu prati obračune, sve što uradi Odjeljenje za poljoprivredu za mlijeko, za biljnu proizvodnju se plaća i plaćat će se i bit će ispoštovano sve do kraja godine...

Kultura i mladi, ne znam Jašiću da li boravite u gradu osim u radno vrijeme. Ove godine je bilo više manifestacija nego i jedne godine. Ove godine svi koji su se obratili sa bilo kakvim projektom im je odobreno, dakle mladi je imao i izložbu fotografija i koji god se jave imaju projekat valjan će biti finansiran. Ne mislim da su mladi pripadnici jedne političke partije i da im treba bacat novac iz Budžeta da i oni sutra bili jataci i glasači. Trebaju nešto uraditi, to što vi ne posjećujete te manifestacije, to je vaš problem...

Turizam, meni je drago što vi smatrate da sam svemoćan i da za deset mjeseci mogu riješiti sve što vi niste za 20 godina, ali ne mogu. Riješit ćemo i turizam, ima ekipa koja je zadužena da radi na tome i vjerovatno će imati i rezultate.

Na kraju Jašiću, ova vlast ima rezultata i te kakvih. Ova vlast je dočekala Općinu sa sve i jednim nevažećim aktom, što niste radili sve ove godine. Ova vlast neće rasipati novac kako je rasipala ona vlast, nego će se raditi transparentno...

Nije mi jasno o čemu pričate ima program i radi se po programu. Vi na Vijeću ste donijeli program.

Vijećnik Safet Jašić, ispravka krivih navoda.

Čuli smo ovo što je Načelnik rekao. Ovo nisu odgovori na koja smo mi postavili pitanje, govorimo o onome šta piše u Izvještaju i vrijeme je da se ovom kriminalu stane u kraj, ako je postojao ranije. Angažovali ste privatnu kuću da istraži kriminal u Općini Maglaj i mislim da bi danas sa tim trebalo završiti i da vidimo dokle ste došli sa tim.

Ovo nisu odgovori na pitanja koja smo mi ispred Kluba postavili. Govorimo o onome što piše i razgovarat ćemo samo o Budžetu, ciframa, kodovima itd.

Po pitanju pasa lualica u prošloj godini, osjetno se moglo primijetiti da su psi lualice skoro bili nestali u protekloj godini. Pa su se ponovo nekim čudom pojavili...

Mi smo govorili o mladim, kulturi, sportu, privredi, poljoprivredi jel to zlo. Što to nama neko uzima za zlo, jel mi to ne trebamo biti ni opozicija? Kad smo opozicija nismo dobri, kad smo opozicija ne smijemo biti ni opozicija. Nije u redu. Opozicija i služi za to i prema tome morate da prihvatite ovo što je opozicija danas iznijela. Ovo su sve opravdane stavke i razlozi zašto su ljudi danas iznosili.

Hajmo govoriti o onome što piše i ono što ste nam ponudili u Izvještaju o Budžetu.

Vijećnica Šefka Hasanić, želim da iskoristim priliku da kažem da stavove koje smo iznijeli su stavovi Kluba vijećnika SDA i nema potrebe da se poimenično proziva bilo koji vijećnik koji iznese stav. Ovo su stavovi Kluba i molim vas da ubuduće diskutujemo na takvoj razini.

Predsjedavajuća OV zaključujem raspravu i dajem na glasanje

ZAKLJUČAK

- 1.1.** Prihvata se Izvještaj o izvršenju Budžeta/Proračuna Općine Maglaj za period 01.01.-30.06.2017. godine.
- 1.2.** U preambuli Izvještaja o izvršenju Budžeta – proračuna Općine Maglaj za period 01.01. – 30.06.2017. godine, dodati član 92. Zakona o Budžetima u FBiH i izbrisati dio teksta „a u cilju informisanja Općinskog vijeća, Općinski načelnik podnosi“ a dodati dio teksta „Općinsko Vijeće Maglaj na sjednici održanoj 22.8.2017. usvaja:

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Glasalo 11 glasova protiv: Adis Abdurahmanović, Nedžad Alispahić, Selma Avdić, Kanita Bašić, Mirsad Bežić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA,

Glasalo 1 uzdržan: Josip Jurišić (HDZ)

AD –2. Odluka o izmjenama i dopunama Budžeta/Proračuna Općine Maglaj za 2017. godinu;

Općinski načelnik, iznio uvodno izlaganje

Otvaram raspravu

Vijećnica Selma Avdić, Klub SDA smatra da je ovaj dokument trebalo nazvati pravim imenom.

1.Rebalansom Budžeta. Jedan od najvećih razloga na koje se predlagač poziva u odnosu na pravni osnov i razloge donošenja je uravnoteženje rashoda i prihoda, a prije svega, upravo je predlagač odgovoran što nije uravnotežio prihode i rashode i čekao priliku da kroz ovaj Rebalans zadovolji političke apetite i ispuni svoja predizborna obećanja, te obezbijediti pozicije sa kojih će ih ispuniti. Ovaj dokument je ustavi politički Rebalans Budžeta.

2.Ponovo u Rebalansu Budžeta nema povećanja pozicija za mala i srednja preduzeća, nema povećanja sredstava za poticaj u poljoprivredi, poticaja za zapošljavanje, sredstava za turizam, a puna usta su bila turizma i zapošljavanja u predizbornoj kampanji. Mladi su ponovo zaboravljeni ili će se samo nekolicina podobnih «udomiti» na drugi način, te vjerovatno zato i nema nikakvih sredstava za mlade, ali ni povećanja sredstava za kulturu i sport koji po nama, nose mladi, ali ni socijalne osjetljivosti, kako bi se obezbijedila dodatna sredstava za zdravlje građana, javnu kuhinju i sl.

3. Posebno zabrinjava pozicija sanacije klizišta gdje se pozicija iz Budžeta smanjuje sa 200.000,00 KM na samo 50.000,00 KM, a sredstava za to ima u Budžetu, ta pozicija je mogla ostati u Budžetu i tako nastaviti sa sanacijom klizišta.

4. Sreća je pa imamo Kantonalnu Vladu koja ima osjećaja i socijalne osjetljivosti pa su predviđena veća sredstva iz Kantona za program poticajnih mjera zapošljavanja branilačke populacije, jednokratnih novčanih sredstava za stambeno rješavanje branilačke populacije, pomoći u smrti branilačke populacije i novčane naknade zbog izuzetno teške socio-ekonomske situacije pripadnika branilačke populacije i sredstava za liječenje ove populacije, koja je ova sredstva povećala u najvećem dijelu za 200% i treba jasno naglasiti, radi građana, da ovo povećanje je isključivo zaslug Vlade ZDK, a ne Općine Maglaj.

Svjetski smo mi da ove naše diskusije vjerovatno neće naći mjesto ni u zapisniku sa sjednice, OV a kamoli u reportažama sjednica OV, kako se prava istina ne bi čula. Trebalo je jasno naznačiti, a opet javnosti radi, želimo istaći da je rezultat prihoda u Budžetu, jednim dijelom neutrošena sredstva naplaćena za KGZ i KN od «Elektrodistribucije» Zenica i povećanim iznosom sredstava od Kantona za boračke populacije, a što je rezultat dugogodišnjeg rada SDA u vlasti u Maglaju i vlasti SDA u Kantonu.

Klub vijećnika SDA neće podržati predloženi Rebalans Budžeta.

Vijećnik Hajrudin Ferić, mi za razliku od Kluba SDA, pozdravljamo ovaj prijedlog Načelnika da u ovo vrijeme ponudi pred Općinsko vijeće Rebalans Budžeta iako formalno i zakonski a to će reći i iz Službe i treba da nosi ovaj akt svoj naziv, ovako kako stoji.

Mi pohvaljujemo i čini nam se da jest pravovremeno ponuđen i nama kao OV pruža mogućnost i dodatnog uvida i kontrole, pa i nadzora nad provođenjem u tih narednih 6-7 mjeseci po svakom segmentu kako bude utrošak Budžeta...

Mi ćemo prihvatiti i imat ćemo jedan amandman na rebalans Budžeta, a prije nego se Vijeće konačno izjasni, zamolio bih Načelnika da napravi jednu pauzu i da prije izjašnjenja da svoje mišljenje o sve tome.

Amandman se odnosi da se sa pozicije 613931 izdaci za računovodstvene, revizijske usluge smanji za 20.000 KM, i prebaci na poziciju 821111 nabavka i uređenje zemljišta. Naime, mi slijedeću tačku OV imamo donošenje i usvajanje izmjene Regulacionog plana Groblja Borik Maglaj. Obzirom da postoji određena falinka u ovom segmentu nekih predračuna, nekih jasnih vizija, koliko nam treba sredstava i u kom periodu da započnemo sa projektom gradnje i završetka tog gradskog groblja mislim da bi trebali da počnemo planirati konkretna finansijska sredstva oko toga.

Htio bih da znam da mi se odgovori. Šta je to u ovih prvih šest mjeseci bilo troškova od sudskih sporova za čak 573% više. Ako su to bili sudski sporovi koji su izgubljeni, onda nas vjerovatno očekuje i nešto u narednom periodu i finansijskih dodatnih troškova. Molim tu informaciju.

Predlažem mimo ovog Amandmana i rekao sam da ćemo podržati ovaj rebalans, predlažem i zaključke koji su indirektno vezani da se do izrade ovog Izvještaja za III kvarta kad je u pitanju Budžet, dostavi Općinskom vijeću programi zbrinjavanja pasa lualica, održavanje javne higijene, javne rasvjete. To ste ostali dužni da nam to uradite. Program izvođenja javnih radova, program uređenja građevinskog zemljišta, program javnih investicija. On može biti u vidu informacije. Dakle, onaj program javnih investicija koliko ja znam je već trebao da ode u kantonalna ministarstva sa nekim projekcijama naših dvogodišnjih ili trogodišnjih projekata koji su skuplji i veći od 100 hiljada maraka. Ako nisu ja ne znam da li se zakasnilo, a u svakom slučaju trebali bi da ih i imamo.

To je u narednih 2-3 mjeseca i da imamo te programe i mislim da vam to svakako neće biti problem i na uvid i da možemo mi to kao Vijeće i vijećnici, pa i javnost da to pratimo.

Mi ćemo vjerovatno u narednom periodu dobiti šta to konkretno znači da je sufinansiranje projekata iz oblasti boračko-invalidske i socijalne zaštite veće za 60.000 KM u odnosu na onih 167.500 KM itd.

Jedan konkretan amandman naravno da se objasni koliko je to realno, koliko nije pa da možemo i mi a se izjasnimo o tome.

Vijećnik Mustafa Bešić, Ja ću se opet dotaći ovih boračkih udruženja. Strana 9. ekonomski kod 113, 114, 115. Mi smo u Budžetu umanjili po 1.000 KM boračkim udruženjima. Sad tražimo u Rebalansu Budžeta da se umanjimo još za 2.000 KM. Mislim da boračka udruženja ne rade u interesu boraca i RVI i ostalih. Sramotno je da stimuliramo i da dajemo te pare, a da imamo pred Vladom Federacije ljude koji danas štrajkuju glađu. Mene bi bilo stid i sramota kao demobilisanog borca i RVI da podržavam udruženja. Mi smo donijeli odluku demobilisani borci gdje god nas ima da zastupamo interese pravih istinskih demobilisanih boraca. Uz ovu izmjenu mi ćemo podržati Rebalans Budžeta.

Vijećnik Nedžad Lokmić, Stav Kluba SDP-a vezano za Rebalans, ja sam već u izlaganju koji se ticao Izvještaja dosta toga rekao i ne bih ponavljao. I Načelnik je dosta odgovora dao na pitanja koja smo eventualno imali. Mogu ponoviti da smo prezadovoljno da se sada radi Rebalans Budžeta, dakle na vrijeme, otvoreno, javno transparentno, a ne na kraju godine, kada bi se eventualno što šta moglo prikrivati ili mijenjati, odnosno pokrivati ono što se ne zadovolji. Dakle, sad o tome pričamo i to podržavamo. U ime Kluba SDP-a iznosim stav da ćemo podržati Rebalans.

Moram se osvrnuti na izlaganje jednog od stava iz Kluba vijećnika SDA kada je ako se dobro sjećam doslovce rečeno srećom imamo susretljivu, razumnu kantonalnu vlast koja nam šalje sredstva koja se tiču pomoći boračkoj populaciji. I tamo između ostalog je navedeno kako se pomoglo socijalno ugroženim, kako se pomoglo bolesnim, kako se pomoglo članovima boračke populacije kad se tiče smrti. Faktički ste rekli da vam je drago da imamo oboljelih u Maglaju, da imamo puno umrlih boraca, što je nažalost činjenica i istina borci, pripadnici porodica oboljevaju, umiru i ja bih bio sretan da je ta pomoć deset puta manja, dakle bilo bi nas manje bolesnih, bilo bi manje umrlih, ali nažalost tako je kako jeste. I glede istog stava u vezi zapošljavanja i prethodna kantonalna vlast je pokušala uraditi nešto na zapošljavanju boračke populacije i sjećam se dobro kada sam bio ministar bilo je prijedloga i zahtjeva da se 500.000 KM iz Budžeta Ministarstva za boračka pitanja odobre, odnosno prebace Kantonalnom Birou za zapošljavanje i da oni bez uvida Ministarstva za boračka pitanja...

Predsjedavajuća OV, ja vas molim da saslušate vijećnika do kraja pa da onda dajete svoje komentare na način da ćete se javiti za diskusiju. Ukoliko ima ispravki, krivih navoda ili slično, javite se i dobit ćete mogućnost, ali ne možete ne saslušati do kraja.

Vijećnik Nedžad Lokmić, ... i dakle, prijedloga da se bez uvida Ministarstva za boračka pitanja rade razni projekti za zapošljavanje. Drago mi je da je konačno došlo do te realizacije ali uključeni su i Ministarstvo i općine i resorne Službe, što svakako treba podržati.

Vijećnik Safet Jašić, ne može niko osporiti da ova Vlada ZDK je najuspješnija vlada od svih kantona. A ovo izlaganje prethodnika, mislim da je nekorektno i nije uopšte primjereno. Mi ovom prilikom tražimo da nam se kolega Lokmić izvini za ovo što je malo prije izrekao, jer ovo su ozbiljne kvalifikacije i optužbe da se nagrađujem, da se što više umire itd.

Ispred Kluba SDA tražimo ili da popravite svoju diskusiju ili da se izvinite Klubu SDA.

Poslije ove tačke tražimo pauzu za ručak.

Predsjedavajuća OV, Na zahtjev dopredsjedavajućeg nakon ove diskusije dajem pauzu od 10 minuta kako bi se mogli usuglasiti svi ovi prijedlozi. Nakon toga po okončanju ove tačke dnevnog reda na zahtjev Kluba SDA dogovoriti ćemo se u kojem trajanju ćemo proglasiti pauzu za ručak.

Pauza 10 minuta

Nakon pauze i nakon što je Općinski načelnik ponudio neke odgovore na ponuđeni amandman i prijedlog zaključka od strane gospodina Bešića, zamolila bih Općinskog načelnika da i sve ostale informiše o onome o čemu smo razgovarali.

Općinski načelnik

Amandman o kome je govorio gospodin Ferić, mi imamo sredstva predviđena za nabavku zemljišta u iznosu od 50.000 KM, tako da to možemo iskoristiti za gradsko groblje, tako smo i planirali. S druge strane u ovim kodovima 616118 tu imamo sredstva za izvođenje radova, tako da ukoliko završimo svu proceduru oko Reg. plana i izuzimanja zemljišta, moći ćemo početi to privoditi namjeni u fazama. I-faza da omogućimo pristup da se omogući parcelacija i da se omogući ukop na tom području.

Što se tiče prijedloga da se skine boračkim populacijama još određeni iznos po 2.000 KM kako je rečeno, korigovan je prijedlog da se u ovom trenutku ne dira, ali se traži od boračkih udruženja da se provedu transparentni, legalni, javni izbori novih rukovodstava, da bude uključena maksimalno boračka populacija u taj proces i da bude uključena resorna Služba blagovremeno, tako da se to završi do donošenja Budžeta za 2018. godinu. Ukoliko se to ne realizuje do donošenja Budžeta, onda će biti prijedlog da se boračka udruženja ne finansiraju dok to ne završe i vjerovatno bi onda se išlo u fazu formiranja jednog jedinstvenog udruženja na nivou općine. Dakle, u ovom trenutku se ne dira ništa sa predviđenih stavki, ali je obaveza da se izvrše izbori rukovodstava.

Vijećnica Šefka Hasanić, i mi smo imali jednu dilemu vezano za ovaj prijedlog rebalansa. Pitamo Službu da nam protumači zakon. Da li je zadovoljena zakonska forma nacrt, prijedlog. U pravnom obrazloženju kaže se da je isti postupak se primjenjuje kao i kod usvajanja budžeta. Da li je trebalo ići nacrt, javna rasprava pa prijedlog, ili obratno.

Vijećnik Safet Jašić, ja vidim da vi niste uopšte diskutovali o onome što sam ja iznio i niste ništa ni razmatrali, ja ću ponoviti da smo mi u Klubu SDA izuzetno i duboko povrijeđeni ovakvom izjavom. Znači nastavlja se sa iznošenjem laži, neistina, vrijeđanja itd. i samo koristim priliku da kažem ako ne dođe do izvinjenja onog ko je iznio ovakve uvrede, a sam obnašao ulogu ministra za boračka pitanja i borio se za istu stvar, mi nećemo učestvovati u radu ove tačke dnevnog reda dalje, a razmislit ćemo da ćemo učestvovati u radu Općinskog vijeća na današnjoj sjednici. Na protekloj sjednici kada su predana vijećnička pitanja i pisanoj formi, nismo našli u zapisniku, pa ću iskoristiti i tu priliku da također i kroz brifing Načelnika dolazi do ovako sličnih stvari. Mi smo pisano to dostavili, ako niste dobili. Ja sam prošli put otišao na džumu, Klub SDA neće više prisustvovati brifingu Načelnika između dvije sjednice iz tih razloga. Tražimo izvinjenje ili napuštamo ovu sjednicu, a razmislit ćemo da li ćemo se vratiti poslije ove tačke.

Predsjedavajuća OV, ono što je dostavljeno na prošloj sjednici Općinskog vijeća, sve je uneseno u vidu vijećničkih pitanja u zapisnik i arhivu.

Općinski načelnik ja bih vas zamolio Predsjedavajuća da malo usmjerite sjednicu da se više držimo tačaka dnevnog reda, kakve veze sad imaju vijećnička pitanja, zapisnik sa izmjenama i dopunama Budžeta. Imate pred sobom zapisnik, vijećnička pitanja su popisana, a brifing Načelnika nije ni bio i kako će biti u zapisniku. Ta sjednica je prekinuta bez brifinga i donesena odluka da se vijećnička pitanja mogu dostaviti u pisanoj formi. Svi smo to prihvatili i završili sjednicu.

Senada Alibajraktarević, Služba je na prijedlog Općinskog načelnika uradila Odluku o izmjenama i dopunama Budžeta Općine Maglaj za 2017. godinu. Sav materijal išao je i na Kolegij Općinskog vijeća i nije bilo nikakvih pitanja što se tiče na samom Kolegiju ispred bilo koje političke partije, tako da je ovaj prijedlog došao u formi prijedloga i ovakav je ponuđen od strane Službe, Načelnik je bio izlagač. Znači nije bilo nikakvih primjedbi do momenta stavljanja na dnevni red za ovu sjednicu Vijeća.

Vijećnica Šefka Hasanić, mislim da ovo nije odgovor na konkretno postavljeno pitanje koje je bilo. Da li je zadovoljna zakonska forma kako piše u obrazloženju pravnog osnova. Znači po istom postupku koji se primjenjuje kod usvajanja Budžeta. Znači da ili ne.

Vijećnica Svjetlana Zamboni, obzirom na dosadašnju praksu, a u skladu sa onim što smo radili u prethodnim sazivima Općinskog vijeća. Rebalans Budžeta radili smo na samom kraju godine 30. ili 31.12. nikad nije postavljeno takvo pitanje, uvijek je išlo na isti način kako se to desilo i danas. Dakle, govorim o rebalansu Budžeta, ne vidim šta je uopće sporno. Kolegij je raspravljao o dokumentu, nije bilo nikakvih sugestija, niti prijedloga vezano za ovaj dokument i ne vidim zapravo šta sad raspravljamo.

Vijećnica Šefka Hasanić, replika. Mi ne bi voljeli da učestvujemo u nečemu što nije zakonski ispoštovana procedura. Ako je trebalo da bude u formi nacrt, javna rasprava pa onda prijedlog, molim vas da se izjasnite. Ako je ovo zakonski ispravno, nema nikakvih problema. Ako je zakonska obaveza nacrt, javna rasprava, prijedlog. Ovdje smo svi, kao što sam i ja danas izjavila da ću poštovati Ustav, zakon, tako ste i vi na početku mandata izjasnili se da ćete poštovati i Ustav i zakon i Statut Općine. Molim vas da se pridržavate toga.

Predsjedavajuća OV, gospođica Alibajraktarević je pokušala da da odgovor, vi niste zadovoljni sa tim odgovorom i ja bih sada zaključila raspravu i dajem na glasanje ovu Odluku o izmjenama i dopunama Budžeta/Proračuna Općine Maglaj za 2017. godinu uz uvažavanje iznesenih sugestija. Gospodin Ferić je odustao od amandmana poštujući sugestiju iznesenu od strane Općinskog načelnika, kao i gospodin Bešić koji je bio zadovoljan sugestijom Općinskog načelnika za provođenje izbora u udruženjima.

Sačekat ćemo da Klub vijećnika SDA je napustio sjednicu Općinskog vijeća prije glasanja.

Predsjedavajuća OV, dajem na glasanje

Z A K L J U Č A K

- 2.1. Donosi se Odluka o izmjenama i dopunama Budžeta/Proračuna Općine Maglaj za 2017. godinu.
- 2.2. Obavezuje se Općinski načelnik i Službe da do dostavljanja slijedećeg Izvještaj o izvršenju Budžeta dostave Općinskom vijeću na razmatranje Programe predviđene Programom rada OV Maglaj kao i Program javnih investicija i program javnih radova.
- 2.3. Obavezuju se boračka udruženja da provedu izbore na zakonit i transparentan način, do donošenja Budžeta za 2018. godinu, u suprotnom će se razmotriti njihovo dalje finansiranje za narednu godinu.
- 2.4. Iz budžetskih sredstava predvidjeti sredstva za potrebe izgradnje Groblja Borik

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Glasalo 1 uzdržan: Josip Jurišić (HDZ)

Senada Alibajraktarević, vezano za zaključak, zamolila bih budući da Služba za finansije radi kvartalni tromjesečni izvještaj, a sve druge službe raspisuju i provode te javne pozive, znači djelimični javni pozivi se odnose na Službu za privredu i finansije, molila bih da se u zaključku striktno navede da uz kvartalni 9-to mjeseci izvještaj idu svi ti javni pozivi, ali da se uključe sve službe kojima pripadaju ti javni pozivi po nadležnosti, kao i programi.

Predsjedavajuća OV, molim predsjednike klubova da se izjasne da li ćemo nastaviti sa radom usaglasite se. Zahtjev za pauzu bio je iznesen od strane Kluba SDA, obzirom da su se oni povukli sa sjednice, molim da predsjednici Klubova se kratko usaglase, pa da nastavimo sa radom. Dogovoreno je da se nastavi sa radom.

AD -3. Prijedlog Odluke o dodjeli javnih priznanja za 2017. godinu;

Predsjedavajuća OV, Komisija za dodjelu javnih priznanja dana 13.04.2017.godine raspisala je Konkurs za dodjelu javnih priznanja. Na raspisani Konkurs pristiglo je šest prijava u roku i dvije van roka. Zbog slabog odaziva Komisija je odlučila da ponovo oglasi Konkurs u narednih 15 dana putem RTV Maglaj, a na ponovljeni Konkurs pristigle su još četiri prijave.

Na sjednici održanoj dana 08.08.2017.godine Komisija je predložila Odluku da se dodijele javna priznanja kao ste i dobili u materijalima u prijedlogu ove Odluke.

Otvaram raspravu

Vijećnik Fikret Delić, ja tražim da se iz ove Odluke za dodjelu javnih priznanja za 2017. godinu skine Mješovita srednja škola. Ako je potrebno ja ću to obrazložiti, ali ne bi volio. Ne bih nikom poželio šta sam ja od ove Škole preživio. To je velika nepravda, nemam riječi i tražim da se skine sa svih dodjela ne samo Grb Maglaja, nego da se MSŠ skine iz ove Odluke.

Vijećnik Nedžad Lokmić, Klub SDP-a će podržati prijedlog gospodina Delića. Mi smo na svom Klubu raspravljali o ovome i baš vezano za prvu nagradu priznanje Grb Maglaja. Složili smo se da Mješovita srednja škola ne zaslužuje ovo priznanje. Ranijih godina se dešavalo bez obzira na velike uspjehe koje su kao škola i kao ustanova doživjeli, ali i bilo je niz kritika, ne ispunjavanja obaveza, ne poštivanje upisne politike itd. U vezi toga imamo dva nova prijedloga.

Da se za Grb Maglaja predlože dvije istaknute ličnosti naše općine a to su doktorica Jasminka Smajlagić i gospođa Mersija Krzić.

Svi znamo ko je gospođa Jasminka Smajlagić, ratni doktor i zubar specijalista ortodont koja je tokom cijelog ratnog perioda boravila u Domu zdravlja, liječila i kao doktor i kao stomatolog Maglajlije, prije svega borbe i sjećam se jednog njenog ratnog intervjua da u tih 2,5 do 3 godine ratnog perioda je primila i 800 pacijenata koji su tražili njenu pomoć kao zubara pored svih drugih obaveza. Obavljala je funkciju i direktora Doma zdravlja, pomagala, obavljala je funkciju direktora Doma zdravlja i poslije ratnog period, tako da se nadam da ćete se složiti da ova gospođa zaslužuje to priznanje.

Gospođu Mersiju Krzić, znamo svi. Prije svega iz raznog perioda kao Maglajku koja je obavljala svoje obaveze i u «Natronu», obavljala je svoje obaveze kao majka, supruga i kao borac. Susretao sam je par puta na linijama odbrane, gdje je podržavala i bodrila naše borce i čitav taj period obavljala izuzetno važnu ulogu. Njenim angažmanom iz 2006. godine kada je kao tadašnji poslanik u Federalnom parlamentu a kao predsjedavajuća Skupštine Udruženja oboljelih od hepatitisa C, ukazala na problem cifre od 40.000 oboljelih od hepatitisa C na nivou Federacije i onu sumnju, nakon čega su obavljene razne istrage, da se u humanitarnoj pomoći nalazila krv

zaražena hepatitisom C, što je rezultiralo time da su pacijenti kasnije se mogli besplatno testirati na hepatitis C i naravno pružati pomoć oboljelim od hepatitisa C. Čitavo to vrijeme je bila ponosna Maglajka, isticala Maglaj u svakoj prilici i kasnije 2007. godine, svojim prijedlogom uvršten je u dnevni red problem nepodnošljivog života penzionera i kasnije je rezultiralo jednim od povećanja penzija u to vrijeme. Dakle, dva konkretna prijedloga u ime Kluba SDP-a podržavamo prijedlog gospodina Delića i predlažemo ova dva imena za Grb Maglaja, a ostali dio odluke prihvatamo kako je predloženo.

Predsjedavajuća OV, zaključujem raspravu i dajem na glasanje

Z A K L J U Č A K

3.1. Donosi se Odluka o dodijeli javnih priznanja za 2017. godinu.

- **Grb Maglaja - Specijalista ortodont dr Jasminka Smajlagić;**
- **dipl.ing. Mersija Krzić.**
- **Zahvalnica Maglaja – Košarkaški Klub Maglaj;**
- **Maglajska lenta - Velijagić Kabil i Amira;**
- **Prim. Dr Krzić Mehmed.**

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Delić Fikret (DF).

Glasalo 2 uzdržan: Hajrudin Fermić (DF) i Josip Jurišić (HDZ).

AD - 4. Prijedlog Odluke o usvajanju Regulacionog plana «Groblje Borik» u Maglaju;

AD - 5. Prijedlog Odluke o provođenju Regulacionog plana «Groblje Borik» u Maglaju;

Vijećnica Svjetlana Zamboni, prije nego iznesem stav Kluba SDP-a želim pohvaliti Službu za ozbiljan i odgovoran pristup u svim dosadašnjim fazama koje su prethodile izradi ovog planskog dokumenta.

U relativno kratkom roku a poštujući u cijelosti rokove izrade, sadržaj postupak izrade dokumenta, period javnog uvida i javne rasprave koji su održani u skladu sa Odlukama Općinskog vijeća danas pred sobom imamo prijedlog Odluke o usvajanju Regulacionog plana «Groblje Borik» u Maglaju. Uvažavajući i ovo što je Općinski načelnik dao kao dio objašnjenja u okviru 2. tačke dnevnog reda izmjene i dopune Budžeta i njegove sugestije da će postojati mogućnost finansiranja da će se ovaj Reg. plan sprovesti u cijelosti kad to dođe na red, Klub SDP-a će podržati Odluku o usvajanju Regulacionog plana «Groblje Borik» u Maglaju. Potrebno je naglasiti a javnosti radi, da je održana javna rasprava dana 20.07.2017.godine da je naišla na ogroman interes naših sugrađana, a svi prisutni su podržali nastojanja u rješavanju ovog pitanja groblja u Maglaju, a donesen je i zaključak na toj javnoj raspravi kojom se prihvata nacrt Reg. plana i predlaže da se nastavi procedura propisana zakonom. U skladu sa svim navedenim i poštujući stavove svojih sugrađana, Klub vijećnika SDP-a podržava donošenje Odluke o usvajanju Regulacionog plana «Groblje Borik» u Maglaju.

Obzirom na vezanost ove tematike, iznijet ću odmah stav vezano za 5. tačku dnevnog reda, koja definiše i odredbe o provođenju Reg. plana tj. fazu realizacije plana, namjenu površina objekata groblja, režim građenja i uređenje prostora, uslove ozelenjavanja prostora, uslove izgradnje i uređenja prostora i objekata, načine i uslove ukopa i održavanja groblja i odredbe o načinu izvršenja Reg. plana. Klub SDP-a podržava i Prijedlog Odluke o provođenju Regulacionog plana «Groblje Borik» u Maglaju.

Vijećnik Hajrudin Fermić, mi podržavamo i glasat ćemo za usvajanje ove Odluke i ove naredne. Želim da sugerišem na nekoliko činjenica.

Naime, pravilo je da se nakon provedene javne rasprave u tekstu predloženih odluka ili drugih akata, dodaju, upišu sve sugestije koje su iznesene na javnoj raspravi. To ovaj dokument nema. Hajde da kažemo da ovo nije kapitalna greška za ovaj dokument jer to se u suštini ne praktikuje ni za jednu odluku koju mi dobijamo ovdje na Općinskom vijeću. Ako je javna rasprava o Budžetu, ako je javna rasprava o bilo kojoj odluci, on treba u prapratnom aktu da sadrži i prijedloge koji su se čuli i obrazloženja zašto se ti prijedlozi ne mogu ili neće prihvatiti. Ovo govorim i za neki naredni period. Zaboravio sam kad smo usvajali Izvještaj o izvršenju Budžeta, ili rebalans, zaboravio sam da kažem da šefica Službe za finansiranje inače mora da insistira na tome, a i vi Načelnice, da u svakoj odluci mora da postoji izjava o finansijskoj odgovornosti, odnosno dio koji reguliše šta, kako i koliko bi eventualne donošenje bilo kakve odluke imalo posljedica na Budžet Općine Maglaj. To je zakonska obaveza, a mi u 99,9% slučajeva nemamo toga.

Da se vratim na Odluku o Reg. planu. U članu 2. ove Odluke stoji Regulacioni plan sastoji se od tekstualnog i grafičkog dijela. Tekstualni dio sastoji se od izvoda urbanističke osnove, projekte izgradnje i uređenja prostora i pod 3. odluke o provođenju plana. Mi ovdje nemamo pod tačkom 2. obaveznog dijela odluke a to je projekcija

izgradnje i uređenja prostora. I to niko nikad kad god su došle ove odluke o izmjenama Reg. planova, nikad nismo imali te projekcije.

Reći ću vam šta piše u Uredbi o jedinstvenoj metodologiji za izradu tih prostornih dokumenata u članu 65. kaže: «Za projekciju izgradnje, uređenja prostorne cjeline, konkretno Regulacionog plana obavezan je slijedeći sadržaj: Obrazloženje projekcije, uređenje izgradnje prostorne cjeline ... da ne čitam sve. Između ostalog u članu 65. stoji i troškovi uređenja građevinskog zemljišta za prostornu cjelinu. Mi toga ovdje nemamo i iz tih razloga i Klub DF i većina vijećnika razumjeli su zbog čega je bio ovaj prijedlog kad smo donosili Budžet da se određena sredstva i kontrolišu.

Ja bih molio da ubuduće kad su ovakve odluke u pitanju obavezno imamo i ono što i jeste zakonski dio ovih odluka, pogotovo kad su u pitanju prostorno planska dokumentacija. Nemojte da vam se dešavaju promašaji koji čitav Maglaj zna, kao što se dešavalo godinama nešto se krene donese odluka, počne se raditi pa se za 10 ili 15 godina apsolutno ne zna ni jel počelo, ni dokle je došlo a potrošeno je od 100.000 do pola miliona KM. I može se kad bi pobrajao sve te takve projekte moglo bi se tu zaista da pobroji tih projekata. A ovo pokazuje i prije svega jednu ozbiljnost u cijeloj ovoj priči i u tom smislu da kažem i zaključak ili ono na čemu ćemo insistirati da ovakve odluke imaju i obavezne dijelove.

Predsjedavajuća OV, zaključujem raspravu i dajem na glasanje

Z A K L J U Č A K

4.1. Donosi se Odluka o usvajanju Regulacionog plana «Groblje Borik» u Maglaju.

5.1. Donosi se Odluka o provođenju Regulacionog plana «Groblje Borik» u Maglaju.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Glasalo 1 uzdržan: Josip Jurišić (HDZ)

AD - 6. Prijedlog Odluke o usvajanju djelimične izmjene Regulacionog plana «Centar Maglaj – sjeverni dio».

Otvaram raspravu

Vijećnik Hrnjić Armin, Klub SDP-a će podržati Odluku o usvajanju djelimične izmjene Regulacionog plana «Centar Maglaj – sjeverni dio».

Predsjedavajuća OV, zaključujem raspravu i dajem na glasanje

Z A K L J U Č A K

6.1. Donosi se Odluka o usvajanju djelimične izmjene Regulacionog plana «Centar Maglaj – sjeverni dio».

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Sjednici trenutno nije prisutan vijećnik Jurišić Josip

AD - 7. Prijedlog Odluke o zamjeni nekretnina - zemljišta u vlasništvu Općine Maglaj i vlasništvo Gračić (Salih) Senad iz Maglaja;

Otvaram raspravu

Vijećnik Muhamed Hrnjić, Komisija za privredu, prostorno uređenje, urbanizam i zaštitu okoline, razmatrala je prijedlog Odluke i donijela zaključak da se donese Odluka o zamjeni nekretnina u vlasništvu Općine Maglaj i vlasništvu Gračić Senad iz Maglaja. U razlici se pojavljuje 35 m². Općinska Komisija za procjenu i promet nekretnina je dala prijedlog da razlika ovog zemljišta bude 80,00 KM/m², tako da i Komisija za privredu, prostorno uređenje je prihvatila cijenu od 80,00 KM/m² kako je predložila Komisija za procjenu i promet nekretnina.

Predsjedavajuća OV, zaključujem raspravu i dajem na glasanje

ZAKLJUČAK

7.1. Donosi se Odluke o zamjeni nekretnina - zemljišta u vlasništvu Općine Maglaj i vlasništvo Gračić (Salih) Senad iz Maglaja.

7.2. Općinsko vijeće utvrđuje cijenu od 80,00 KM/m².

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Vijećnik Nedžad Lokmić zatražio je pauzu od 20 minuta za ručak.

Usaglašeno je da se završe tačke iz Službe za urbanizam, da se poslije toga napravi pauza.

AD - 8. Prijedlog Odluke o prodaji nekretnine neposrednom pogodbom Bašić (Selim) Amiru radi oblikovanja građevinske parcele;

Otvaram raspravu

Vijećnik Muhamed Hrnjić, Komisija za privredu, prostorno uređenje, urbanizam i zaštitu okoline, razmatrala je prijedlog Odluke o prodaji nekretnine neposrednom pogodbom Bašić (Selim) Amiru radi oblikovanja građevinske parcele i donijela zaključak da se donese Odluka o prodaji nekretnine neposrednom pogodbom Bašić (Selim) Amiru, radi oblikovanja građevinske parcele. Komisija je prihvatila cijenu od 80,00 KM/m² kako je predložila Komisija za procjenu i promet nekretnina.

Nedžad Čatić, samo želim ispraviti da se radi o Odluci o prodaji nekretnine neposrednom pogodbom Bašić Amira, radi oblikovanja građevinske parcele a ne o zamjeni zemljišta. On to zemljište već koristi, radi se o oblikovanju a radi se o istoj lokaciji.

Predsjedavajuća OV, zaključujem raspravu i dajem na glasanje

ZAKLJUČAK

8.1. Donosi se Odluka o prodaji nekretnine neposrednom pogodbom Bašić (Selim) Amiru radi oblikovanja građevinske parcele.

8.2. Općinsko vijeće utvrđuje cijenu od 80,00 KM/m².

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

AD - 9. Prijedlog Odluke o zamjeni nekretnina - zemljišta u vlasništvu Općine Maglaj i vlasništvo Kalabić Hakije iz Maglaja;

Nedžad Čatić, uvodno izlaganje ovdje se radi o zamjeni zemljišta, lokacija je u Ravnoj gdje je izgrađen asfaltni put nekad prije 30-40 godina koji je zahvatio zemljište Kalabić Hakije a dio starog puta je ostao izvan upotrebe koje on koristi, tako da je on podnio zahtjev da se izvrši zamjena zemljišta. On daje svoje zemljište pod putem u površini od 161 m², a traži u zamjenu dio nekadašnjeg puta površine 61 m². Daje veći dio zemljišta i pristao je na zapisnik da se daje parcela za parcelu bez naknade.

Općinski načelnik, u ovom slučaju s obzirom da Općina dobija nekih 100 m² besplatno bilo bi fer i korektno da Općina snese troškove postupka.

Predsjedavajuća OV, zaključujem raspravu i dajem na glasanje

ZAKLJUČAK

9.1. Donosi se Odluka o zamjeni nekretnina - zemljišta u vlasništvu Općine Maglaj i vlasništvo Kalabić Hakije iz Maglaja.

9.2. Troškovi postupka po ovom predmetu padaju na teret Općine Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

AD - 10. Prijedlog Odluke o privremenom upravljanju, uređivanju i održavanju pijace rabljene i druge robe;

Otvaram raspravu

Vijećnik Hajrudin Fermić, ja sam bio u dilemi već prilikom utvrđivanja dnevnog reda općinskog vijeća, da li da predložim da se ova točka skine s dnevnog reda ili da ostane, pa da razgovaramo o njoj i donesemo odgovarajući status ovog prijedlog. Mi smo imali prije nekoliko mjeseci jednu od ovih odluka i vratili smo je na doradu. Ova Odluka koja je pred nama mogu reći da je puno nekvalitetnija, puno površnija i sa praktično svakom rečenicom nezakonito usaglašena i utvrđena. Zbog toga kažem dobro bi bilo da se dogovorimo i da donesemo zaključak da se vraća na doradu, da se upotpuni, kao što je i ova Odluka o kućnom redu ili eventualno da se ona pretvori u formu nacrt. Pogledajte samo kakav joj je naziv, a u članu 2. kaže privremeno, a isto tako u članu 2. kaže treba da se održava tako da on bude tu trajna. Zaista nelogičnosti. Ono što je nelogično, nije zakonito urađeno a to je da nema nigdje pozivanja na Zakon o unutrašnjoj trgovini koji zapravo i reguliše tu oblast na najkvalitetniji način. Zakon o komunalnim djelatnostima to reguliše na jedan drugačiji i površan u odnosu na ovaj način i mislim da ovu Odluku, odnosno oni koji su je predložili moraju da je usaglase sa Zakonom o unutrašnjoj trgovini i sa Pravilnikom o uslovima za obavljanje trgovine na malo, odnosno pijace itd. Ja sam ovdje pripremio niz članova koji su neusaglašeni, koji pokazuju jasno i decidno koji je postupak da se tako nešto uradi i mislim da ovo moramo poštovati. Iz prostog razloga, sad kad bi je i donijeli većinom glasova ona bi bila praktično neprovodiva i već za pet dana mi bi se vratili na sami početak onog što imamo i to pouzdano znam da bi je oborili već za 5-7 dana i ako bi je usvojili. Ono što je važno, važno je napomenuti da su i one dvije katastarske čestice ona dva placa koja su predviđena tamo 1866/1 i 1877/1. Znače šta to znači, znači da od početka mosta s one strane do SDP-ove kancelarije i od Rabijine kafane do Koršumlje džamije to je jedan plac za pijacu rabljene robe i drugi je plac gdje ima betonirani dio ovamo između Kuršumlje džamije i Cabrine kafane. Niko apsolutno ne može da zadovolji zakonom propisane uslove da to bude ograđen prostor, da to bude uređen prostor, da se tu kontroliše i da se zadovolji ono sve što treba. Šta je zapravo početak, početak je ono što stoji u Zakonu o trgovinama moraju biti odgovarajuće urbanističke odluke kad je u pitanju pijaca. To je početak svega. A onda ono dalje ide, ko i kako i pod kojim uslovima može da se bavi odnosno koje uslove da zadovoljava ta pijaca bez obzira ko je u pitanju. Ovdje govorimo o pijaci rabljene robe na tim javno prometnim površinama itd. Ja mogu da obrazložim imam četiri stranice, i zato je moj prijedlog ili da je vratimo na doradu ili da je pretvorimo u formu nacrt pa da se zaista potruži i neko konačno vidi koji je put i postupak da se uradi. Svjesni smo mi tamo potpuno i činjenice da i ovo što imamo je «divlji zapad» neuređeno, ali ništa ne bi dobili ni s ovom odlukom, samo bi doveli u situaciju da pravno lice može da bude kažnjeno od 1.000 do 10.000 KM zato što se bavi na određenoj lokaciji koja nije uređena po zakonu.

Općinski načelnik, ovu tačku možemo skinuti s dnevnog reda, to je nešto što je neuređeno već godinama, problem jeste pijace rabljene robe u Maglaju. Da bi se sve uradilo onako kako ste naveli je nešto što zahtijeva lokaciju, zemljište, infrastrukturu, velika ulaganja da bi prebacili taj dio pijace. S druge strane ako to i srijedom malo pijace ode iz Starog grada, on će biti definitivno mrtav. Zbog toga hoću da kažem da nije se sve rješavalo u potpunosti, nije se bavilo pitanjem unutrašnje trgovine htjela se samo opredijeliti lokacija za privremeno održavanje pijace, jer ljudi održavaju pijacu. S druge strane ukoliko to donosi probleme KJD koje bi eventualno preuzelo to, nema potrebe da dovodimo i njih u situaciju da inspektori kažnjavaju i KJD i direktora KJD. Možemo se strpiti i čutati do daljnjeg pa neka funkcionise ovako kako funkcionise. Ja jedino nisam za to da otjeramo te ljude tamo srijedom i zbog ono par radnji i zbog čaršije dok ne bude u boljoj situaciji. Nekad je to bio interesantan dio grada, danas više niko tamo i ne ide i nema otvorenih radnji. Slažem se skinut ćemo s dnevnog reda neka to ide nazad i vidjet ćemo kad će doći na dnevni red, i u kojoj formi.

Amira Zukić, želim da kažem KJD nema ništa protiv prijedloga nema je u interesu da se naša djelatnost širi, ali s obzirom da ne bi komunalno imalo problema bolje je ostaviti ovako da radi pijaca, mi čistimo pijacu i ne naplaćujemo to, zato što je 18.01.2016.godine imali smo kantonalnu inspekciju koja je došla i napravili su prijavu za preduzeće od 3.000 KM i za odgovorno lice 800,00 KM. Mi ne možemo da ispunjavamo tehničke minimalne uslove za bavljenje pijacom rabljene robe. Tamo se ne prodaje rabljena roba, tamo se prodaju i prehrambeni proizvodi koji ne mogu u sklopu rabljene robe. Kad bi bila pijaca rabljene robe, to bi mogao samo jedan prodavac koji prodaje robu koja nema deklaraciju. Sva roba koja se prodaje je deklarirana i namještaj i ostalo koja ne može biti u sklopu rabljene robe. Mi nemamo ništa protiv, mi bi to sve prihvatili da možemo neki minimum ispunjavati u skladu sa zakonom i trgovci koji bi prodavali tamo morali bi biti registrovani kao trgovci.

Neka se ostavi ovako kako je bolje je i zbog vas i zbog nas jer to je nezakonito.

Vijećnik Hajrudin Fermić, upravo ono što sam i rekao interes je čaršije, interes je nas svih ovdje da taj Stari dio grada živi i da se nešto ljudi vrte pa makar srijedom. Ali isto tako interes je i da nema problema onaj ko ne treba da ima problema u održavanju i upravljanju pa i korištenju tog prostora ili upravljanju pijacom. Međutim, mislim a tu sam da u nekom narednom razgovoru može da se nađe jedan kompromis koji bi zadovoljio sve ove uslove i da se upravitelj ima sve onako kako treba sve papire, a isto tako da se nešto vrti na jednom dijelu Starog grada i naravno da se ispoštuje ta procedura da je mi ovdje pokrijemo. To ne mora da bude ja kad kažem puno nezakonitosti, ne smijemo mi dati da mi damo ulicu ulaz u most po Zakonu o osnovama bezbjednosti saobraćaja, Zakon o putevima

itd. milion je tih stvari u koje ulazimo sa ovakvim tekstom. U tom smislu sam rekao ali ako bi se odredila lokacija i površina onog tamo dijela gdje ljudi imaju, ako bi se osigurali minimalni tehnički uslovi za koje možda i ne treba baš puno ulaganja, mislim da bi dobro bilo da se nađe nešto što godi svima. U tom smislu neobavezujuće i predlažem Načelniku da tamo sjedne s nekim ljudima u službi i s vama i da se interno dogovori kojim postupkom i putem da to uradimo kako treba.

Amira Zukić, ovdje se može raspravljati samo o onom dijelu između Kuršumlije i Čabrine kafane.

Predsjedavajuća OV, zaključujem raspravu i dajem na glasanje

Z A K L J U Č A K

10.1. Općinsko vijeće Maglaj predlaže da se Odluka o privremenom upravljanju, uređivanju i održavanju pijace rabljene i druge robe, vrati na doradu za jednu od narednih sjednica.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Ferić Hajrudin, Delić Fikret (DF).

Sjednica se prekida zbog pauze za ručak u trajanju od 20 minuta.

Predsjedavajuća OV, Konstatujem da je sjednici prisutno 24 vijećnika, jer su se vijećnici SDA vratili osim vijećnice Kanite Bašić.

AD - 11. Nacrt Odluke o komunalnoj naknadi;

Predsjedavajuća OV, Komisija je razmatrala i ovu tačku dnevnog reda i pozivam predsjednika Komisije za privredu da iznese stavove. Komisija predlaže da se donese Nacrt Odluke o komunalnoj naknadi i predlaže rok za javnu raspravu u trajanju od 60 dana.

Otvaram raspravu

Vijećnica Hasanić Šefka, Klub vijećnika SDA prihvata Nacrt Odluke o komunalnoj naknadi u formi nacrt, kao dobru osnovu za javnu raspravu, te želimo dati sugestiju koju ćemo iznijeti na javnoj raspravi da ovo ne bi smjelo uticati na povećanje komunalne naknade. Također nam je drago da je na ovoj odluci ispoštovana zakonska odredba, nacrt, javna rasprava, odluka, a ne kao kod donošenja rebalansa gdje su poništene zakonske odredbe o principima donošenja Budžeta i rebalansa.

Vijećnica Irena Herceg, s obzirom da se radi o nacrtu o komunalnoj naknadi, Klub SDP-a će svoje prijedloge dostaviti u toku javne rasprave.

Predsjedavajuća OV, zaključujem raspravu i dajem na glasanje

Z A K L J U Č A K

11.1. Donosi se Nacrt Odluke o komunalnoj naknadi.

11.2. Određuje se rok od 60 dana za provođenje javne rasprave.

Usvojeno jednoglasno

AD - 12. Nacrt Odluke o utvrđivanju vrijednosti boda komunalne naknade;

Otvaram raspravu

Vijećnik Hajrudin Ferić, Klub DF će podržati i jednu i drugu Odluku. Želim da podsjetim da u Zakonu o komunalnim djelatnostima ova Odluka o visini vrijednosti boda se donosi svake godine na Općinskom vijeću, a na osnovu programa utroška, odnosno program uređenja. Samo sugerišem da se do 31.12. za narednu godinu najkasnije do 31. marta da nam se za slijedeću godinu dostavi i Program utroška tih sredstava. Zakonska obaveza i tako je propisana ta metodologija.

Vijećnica Šefka Hasanić, Klub vijećnika SDA prihvata Nacrt Odluke o utvrđivanju vrijednosti boda komunalne naknade kao dobru osnovu za javnu raspravu.

Predsjedavajuća OV, zaključujem raspravu i dajem na glasanje

ZAKLJUČAK

12.1. Donosi se Nacrt Odluke o utvrđivanju vrijednosti boda komunalne naknade.

12.2. Određuje se rok od 60 dana za provođenje javne rasprave.

Usvojeno jednoglasno

AD -13. Informacija o rezultatima utvrđenog stanja nekretnina u posjedu – vlasništvu Općine Maglaj, a koje bespravno koriste druga lica;

Otvaram raspravu

Vijećnik Firuz Galijašević, Klub SDP-a prima Informaciju o rezultatima utvrđenog stanja nekretnina u posjedu – vlasništvu Općine Maglaj, a koje bespravno koriste druga lica, ista je sadržajna i kvalitetna, ali predlažemo da se uz istu donesu i zaključci:

1. Ovom Informacijom Općina Maglaj se putem komisije Općinskog načelnika odredila o trenutno bespravnom korištenju dijela nekretnina koje, nesporno naglašavamo posjed i vlasništvo Općine Maglaj.
2. Općinsko vijeće Općine Maglaj, u cilju regulisanja prava i obaveza sa korisnicima nekretnina, na svim u Informaciji evidentiranim nekretninama, kao i drugim za koje se eventualno pojave saznanja, a koje su posjed i vlasništvo općine Maglaj, obavezuje te korisnike da se obrate nadležnim službama sa zahtjevom za regulisanje stvarno pravnog statusa na predmetnim nekretninama.
3. Nadležne službe i inspekcije postupajući po podnesenim zahtjevima odnosno po službenoj dužnosti će provesti postupak kojim će se u skladu sa zakonskim mogućnostima i važećim općinskim odlukama eventualno legalizirati bespravno izgrađeni objekti odnosno ustupiti na korištenje predmetno zemljište uz naknadu, zakup i slično (vrtovi, cvijetnjaci).
4. Ukoliko postojeće stanje nema utemeljenu proceduru u odlukama Općine Maglaj, nadležna služba će u kratkom roku sačiniti prijedloge odluka kojim bi se utemeljilo zakonito držanje u posjedu – korištenje nekretnina koje su posjed i vlasništvo Općine Maglaj.
5. Ovi zaključci se imaju objaviti u lokalnim medijima Općine Maglaj kao i Službenim novinama Općine Maglaj.

Vijećnik Hajrudin Ferić, dobro je da je ova informacija došla na sjednicu Općinskog vijeća. Ono što jeste konstatacija da uvidom u spisak da se zaključiti da tu ima još, prema našim saznanjima, ima tu još imena koja zaslužuju da budu u ovoj informaciji i tabeli koja nisu i pretpostavljam da je to omaškom urađeno. Ima njih i u ulici Aleja ljljlana i još u nekim dijelovima grada Maglaja, a takvih imena nema.

Ono što bih predložio je da mi obavežemo nadležne službe da nam za jednu od narednih sjednica onoliko koliko je realno da Načelnik i njegovi saradnici shvate da je potrebno vremena da nam predlože načine rješavanja bespravnog korištenja odnosno posjedovanja zemljišta i objekata. Tako smo se i složili nisu svi sa ove liste u istom statusu i sa istom težinom prekršaja. Jedini mogu a ukoliko se donesu odluke na Općinskom vijeću koje su usaglašene sa zakonima, mogu da im se daju te površine na korištenje uz određene naknade, drugi ne mogu da bilo kakva odluka OV postoji ne mogu da legalizuju i ne mogu to po zakonu da provedu postupak, treći su negdje između. Po nekoj mojoj procjeni postoje tri četiri različite kategorije.

Da nam Načelnik sa službama pripremi različite prijedloge o postupanju prema različitim kategorijama ovih lica koja bespravno koriste zemljište i objekte.

Vijećnik Safet Jašić, Klub vijećnika SDA prima k znanju Informaciju o rezultatima utvrđenog stanja nekretnina u posjedu – vlasništvu Općine Maglaj, a koje bespravno koriste druga lica. Podržavamo ovo u cijelosti i da svima bude jednako.

Općinski načelnik, ova Informacija je postigla svoj cilj da i mi ovdje kao Vijeće i javnost da zna da postoje ovakvi slučajevi da su evidentirani prije nekoliko mjeseci, tako da je moguće da postoji i u međuvremenu koje odradio nekakve takve neregularnosti. Može biti da je neko preskočen slučajno, namjerno sigurno nije. Sljedeći naš zadatak je razvrstati ovo po grupama i kategoriju i ići u zakonsko rješavanje ovih slučajeva kako ne bi došli u situaciju da se općinska imovina koristi bez naknade zbog nedjelovanja same Općine.

Predsjedavajuća OV, pretpostavka je da nakon razvrstavanja po kategorijama kako je sugerisao do predsjedavajući da bi se taj materijal ponovo našao prije preduzimanja određenih koraka na Općinskom vijeću na razmatranju.

Vijećnik Hajrudin Ferić, ja koliko vidim tamo postoje neki slučajevi zauzimanja javnih zelenih površina itd. Mi u ovom trenutku nemamo i ja ne znam imamo li mi Odluku o zauzimanju javnih površina, da li je usaglašena sa važećim zakonima, ako nije da je ažuriramo, da je dotjeramo i da Službe mogu prema tim licima da rade kako treba. Oni drugi koji su zauzeli prostore ni po kom osnovu nisu mogli ili ne mogu da legalizuju, mislim da ovaj prijedlog zaključka 3. je taj kojeg malo treba doraditi, a ostali su u redu. Na neki način se omogućava kaže u

skladu sa važećim općinskim propisima. Mi znamo svi i na kraju krajeva donijeli smo odluku koliko moramo usuglasiti sa važećim zakonima odluka i rješenja itd. i to onih krupnih. Iz tih razloga zato što su to nezakonite u odnosu na ove zakone važeće naše odluke koje možda još neko koristi, smatram da ne bi smjeli da upadnemo u jednu takvu opasnost.

Ovo bi sve raščistilo. Znači Načelnik predlaže Odluku tamo gdje treba odluka, rješenje tamo gdje treba rješenje. Predlaže jednostavno način kako da to uradimo. Imali smo mi tu priliku da nam je bila na Kolegiju Odluka o legalizaciji bespravno izgrađenih objekata itd. pa smo rekli da je malo vratimo dok to dobro ne razuvidimo.

Ja sam se bio pripremio za prošlu sjednicu čak i tonski i video da donesem da čujete i vidite šta su ljudi zaključivali na višim nivoima vlasti kad je u pitanju legalizacija bespravne gradnje, mogućnosti itd.

Možemo mi da razgovaramo, ali nam treba pravno tumačenje i procedure koje je Općinsko vijeće dužno, a to je uzurpacija, zauzimanje onih dijelova zgrada, prostorija, gdje nije to provedeno u skladu sa zakonskom procedurom, a ljudi su uzeli i koriste sve dok se ne legalizuje. To je tako spominjali smo i Zakon o stvarnim pravima i Zakon i vratili smo Odluku o kućnom redu, upravljanju i održavanju stambenih i stambeno poslovnih zgrada i u tim stvarima dosta toga je riješeno oko imovinsko pravnih odnosa ko može uzeti prostor koji je prostor vlasnika te zgrade, ili prostor koji je oko tog pojasa zgrade, a koji je državni, općinski, kako i na koji način može uzurpirati. Puno je nejasnoća i zbog toga nam treba ta procedura, a kako Načelnik reče dobro je i ovo da su se ta imena pojavila pa da se vidi, a onda bi dobro bilo da u nekom narednom periodu što kroz dobro uspješno korištenje javnih površina, a što zbog finansijskih efekata koji bi sigurno bili dobri u narednom periodu.

Ima i te kako veze ova Informacija sa ovom slijedećom tačkom, sa cijelom ovom pričom koja po Maglaju kruži da ljudi dovlače armaturu da počinju raditi a da mi ovdje nijemo sve to gledamo. Mi ako priznamo da kao najviši organ vlasti i odlučivanja na općini Maglaj i da administracija ne može u nekom narednom periodu da uradi na tome, onda postavljam pitanje sam sebi smislenosti postojanja ovih organa i tijela i našeg rada i aktivnosti, ako ćemo mi samo nemoćno gledati šta se oko nas dešava i aminovat naknadno sve ono što se dešava.

Predsjedavajuća OV, zaključujem raspravu i predlažem da se

- Informacija o rezultatima utvrđenog stanja nekretnina u posjedu - vlasništvu Općine Maglaj, a koje bespravno koriste druga lica primi k znanju.

13.1. Zadužuju se nadležne Službe da nekretnine u posjedu – vlasništvu Općine Maglaj, a koje bespravno koriste druga lica, razvrstaju po kategorijama i u skladu sa zakonom usaglašenim općinskim Odlukama i zakonskim propisima i a predlože načine rješavanja statusa tih nekretnina.

AD - 14. Zaključak o obustavi postupka po zahtjevu RVI za dodjelu zemljišta, zbog odustanka i poništenje Rješenja Općinskog vijeća Maglaj 02-05-1-1617/17 od 07.07.2017.godine;

Otvaram raspravu

Vijećnik Mustafa Bešić, ja sam bio i u prošlom sazivu Općinskog vijeća, gdje se tražilo da se pomogne RVI. Sad mi nije jasno šta se ovo dešava, nikako mi nije jasno i volio bih da znam šta se ovdje radi. Na prošloj sjednici smo donijeli Rješenje, sad se skida, volio bih da se upozna javnost o čemu se radi.

Nedžad Čatić, što se tiče ove tačke dnevnog reda, ovdje se radi da je RVI odustao od uspostavljanja građevinske parcele. Po Zakonu stranka može odustati od zahtjeva sve do pravosnažnosti rješenja. Oni su iskoristili tu mogućnost i izjasnili su se d odustaju od tog postupka i Služba je dala prijedlog zaključka o obustavi postupka, kojim se i poništava Rješenje Općinskog vijeća sa prošle sjednice. Koji je razlog i šta dalje znači to za mogućnost gradnje. Ovo je u skladu sa Zakonom o upravnom postupku i ovo je zakonito i moguće.

Vijećnik Firuz Galijašević, Klub SDP-a usvaja zaključak da se obustavlja postupak po zahtjevu ORVI, zbog odustanka.

Vijećnik Bežić Mirsad, Klub vijećnika SDA prihvata Zaključak o obustavi postupka po zahtjevu RVI za dodjelu zemljišta, zbog odustanka i poništenje Rješenja Općinskog vijeća Maglaj 02-05-1-1617/17 od 07.07.2017.godine.

Delić Miralem, sekretar ORVI i član Predsjedništva ORVI. Kruže priče gradom da su nešto RVI prodali itd. Mi nismo ništa prodali niti imamo namjeru prodati, to zna i Općinski načelnik o tome smo ga upoznali na sastanku.

Mi smo Načelnika izvijestili na sastanku održanom 25.07.2017.godine o čemu se radi, mi smatramo da onaj prostor koji koristimo imamo zemljište površine 245 m² naše je vlasništvo 1/1 i smatrali smo pošto se na tom zemljištu nalaze ona dva objekta, htjeli smo i duži niz godina putem Ministarstva za boračka pitanja da uradimo nešto na tome da uljepšamo grad, a ujedno da iskoristimo i za sebe napravio poslovni prostor adekvatan našim potrebama...

Nismo uspjeli preko Ministarstva a uradili smo niz projekata. Pisali smo otvoreno pismo i prema svim privrednicima da se udružimo, nismo uspjeli ni tada...

Mi smo zakazali Predsjedništvo i Skupštinu i krenuli smo u taj projekat. Prijavila su se tri preduzeća i mi smo prihvatili najpovoljniju ponudu. Pošto imamo samo površinu koja bi poklopila zgrada, mi smo se obratili sa zahtjevom jer smatramo da treba biti još zemljišta oko zgrade.

Nama je rukovodilac Službe rekao i gospođa Pravobranilac rekla da mi možemo graditi zgradu bez tog proširenja placa. Mi nemamo sada dovoljno sredstava a potrebno je 30.000 KM za plaćanje ovo proširenje parcele i to bi normalno platilo investitor nama na račun a mi bi Općini.

Kad su oni rekli da to više nije potrebno mi smo podnijeli zahtjev da odustajemo od tog zemljišta, išli bi u gradnju bez tog zemljišta, a to zemljište ako je potrebno to bi se kasnije rješavalo po izgradnji. To je sva priča o ovoj našoj zgradi koju smo planirali. Mi smo ljudi koji smo se borili, ratovali, mislim da nema potrebe da se stvara fama da neko nešto hoće da uradi. Mi nećemo ništa mimo zakona i ne želimo da se upetljavamo. Vi ako hoćete možete obustaviti i tu gradnju, nama odgovara i onaj prostor i mi u njemu možemo raditi još 100 godina. Međutim, smatrali smo da bi uljepšali naš grad ako bi se još jedna zgrada izgradila ondje. Nemojte nas praviti kriminalcima ili nečim, nije fer.

Nermina Botonjić, ispravka krivog navoda. Želim da obavijestim da sam prisustvovala na sastanku bio je Općinski načelnik, bio je predstavnik službe, predstavnici RVI. Rukovodilac nadležne Službe je ustvrdio da se na predmetnom zemljištu može izgraditi objekat u skladu sa prostorno planskom dokumentacijom bez problema. Pravobranilac jeste rekla da neće biti problema ukoliko oni uđu u suinvestiranje te gradnje sa nekim drugim jer imaju pravo svojine, znači sa svojim pravom mogu raspolagati. To je jedino to. Ja ni u ime Pravobranilaštva, ni u svoje ime nisam mogla ustvrditi da se može nešto bez problema graditi na nečemu zašto je potrebno prostorno planska dokumentacija i dokumentaciju koju ne izdaje Pravobranilaštvo.

Vijećnik Bešić Mustafa, mi smo servis građana i mi moramo prenijeti informaciju. Čovjek je iznio rekao javno šta je i mi to podržavamo ako je to. Ja ovo nisam u ime sebe tražio, ja sam to tražio u ime javnosti. Dobio sam odgovor, javnost će biti upoznata preko medija i to je to.

Općinski načelnik, ovo je jedan projekat koji je stajao dugo u ladicama u Općini. Nekako u proljeće to je aktivirano i da se vidi šta se moglo uraditi. Činjenica je da je i Komisija za privredu i Općinsko vijeće na neki način izašlo u susret i RVI i suinvestitoru da se izgradi tamo objekat. Ja kao načelnik, kao građanin ovog grada bi volio da se ono ruglo tamo sruši i da se napravi lijep objekat. Nakon što je Vijeće donijelo odluku prošle sjednice, i nakon što je trebalo pristupiti formiranju parcele za prodaju zemljišta itd. očigledno je došlo do promjene plana. Ja ne sumnjam i tvrdim da RVI tu nije ništa mušferalo, niti je imalo skrivenih namjera. Očigledno se skrivene namjene nalaze u suinvestitoru. Po saznanju da bi objekat mogao stati na postojeću parcelu RVI, vjerovatno je skonto što bi ja davao pare i kupovao zemljište od Općine, kad ću ja po starom principu kako je i radio zauzeti općinsko pa neka me ganjaju dokle budu ganjali. To je sad taj problem i zato se odustalo od zemljišta, RVI nemaju novca, ne mogu kupiti, imaju zakonski rok do kojeg su se morali izjasniti da odustaju od kupovine. I to prihvaćam i to je u redu. Treba imati u vidu RVI imaju objekat i kako sami kažu mi možemo ondje još boraviti bezobzira koliko ono ružno izgledalo. Druga je stvar po saznanjima, ja nisam išao tamo, a mislim da naš suinvestitor dovozi tamo materijal za gradnju objekta. To se ne može raditi, ne može se uzurpirati ničija zemlja, pa ni općinska zemlja. Ne može se niko ponašati u gradu kao kabadahija. Dakle, izgradnje nema bez Rješenja dozvole o građenju. To se ne može dobiti dok se između suinvestitora i RVI ne potpiše određeni dokumenat, znači ugovor kod notara i dok to sve ne postane pravosnažno itd. To je procedura kojom je trebalo ovo sve da ide i kako je i dogovarano i na Vijeću prezentirano prošle sjednice. Očigledno neko to svjesno krši misleći da može raditi u gradu šta hoće. Iz tog razloga bi Općinsko vijeće trebalo sugerisati i RVI da obustavi bilo kakve dogovore, sa bilo kim u ovom trenutku dok se ne riješi ova situacija. Dakle, nisu Pravobranilac i šef Službe rekli možete vi graditi, ne može to niko reći to kaže odobrenje za građenje. Šef Službe je rekao da objekat planirani može stati na postojeću parcelu RVI. I to je od prilike i tačno i sinoć smo gledali ono što je po Regulacionom planu, malo izlazi iz tih granica. Prema tome, ovdje ne treba dozvoliti da neko prevari Općinu, da neko prevari RVI i treba poduzeti zakonske korake da se onaj materijal odande skloni, a ja vjerujem da ovo Vijeće i ja kao Načelnik smo spremni da pomognemo RVI, spremni smo da onaj dio uljepšamo, ali ne na način da neko zloupotrijebi i zakon i općinsku imovinu, pa i same RVI.

Vijećnica Selma Avdić, ja tražim da nam se kaže ime suinvestitora da znamo o kome se radi.

Delić Miralem, suinvestitor je firma D.o.o. «Sjaj» Maglaj. Ovo što Načelnik kaže ja ne znam ne mogu proći tamo svako nas hvata za ruku i pitaju jel istina da ste prodali itd. Nije istina, ja ne mogu pričat po ulici šta je istina, šta nije.

Htio sam zamoliti ovo cijenjeno Vijeće pošto smo mi u izuzetno teškoj finansijskoj situaciji da one troškove koje zahtijeva ovaj zaključak, ako može Vijeće da oslobodi ORVI tih troškova jer smo mi u dubiozi.

Predsjedavajuća OV, zaključujem raspravu i dajem na glasanje

ZAKLJUČAK

- 14.1. Usvaja se Zaključak o obustavi postupka po zahtjevu RVI za dodjelu zemljišta, zbog odustanka.
- 14.2. Poništava se Rješenje Općinskog vijeća Maglaj 02-05-1-1617/17 od 07.07.2017.godine;

Glasalo 22 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa

Buljubašić samostalni vijećnik, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA, Josip Jurišić (HDZ).
Glasalo 2 uzdržana: Fermić Hajrudin, Delić Fikret (DF).

AD - 15. Prijedlog Odluke o davanju naziva Kino sali Doma kulture «Edhem Mulabdić» u Maglaju, a po prijedlogu Ambasade Republike Francuske;

Predsjedavajuća OV, Općinsko vijeće Maglaj je donijelo Zaključak i ovlastilo Općinskog načelnika da može stupiti u kontakt sa Ambasadom Republike Francuske oko davanja imena Kino sali. Dana 11.7.2017.godine Ambasada R Francuske dostavila je dopis u kome se zahvaljuje i prihvataju inicijativu Općine Maglaj. Dali su sugestiju, koja bi omogućila uspostavljanje posebne veze između tog mjesta posvećenog kulturi i Francuske, a radi se o gospođi Sarah Bernardt, glumica koja je izuzetno poznata u Francuskoj i Evropi, sa svojim uspješnim turnejama obišla je sve kontinente.

Služba je pripremila Odluku o davanju naziva Kino sala «Sarah Bernardt» DK «Edhem Mulabdić» u Maglaju. Otvaram raspravu

Vijećnica Anida Šahman, Klub SDP-a će prijedlog Odluke o davanju naziva Kino sali DK «Edhem Mulabdić» a po prijedlogu R Francuske u Kino salu «Sarah Bernardt» podržati i reći da osim što je bila genije francuske pozornice, svoje pozorište je za vrijeme Francusko-Pruskog rata preuredila u bolnicu gdje je i sama radila kao medicinska sestra brinući za se ranjenike. Budući da Sarah Bernardt ima i svoju zvijedu u Los Angelesu ne vidimo ni jedan opravdan razloga zašto i naša kino sala ne bi nosila naziv po ovoj dramskoj umjetnici 19 stoljeća.

Vijećnica Dženita Smajlović, Klub vijećnika SDA želi da izrazi poštovanje i zahvalnost Francuskoj Ambasadi koja jeste uvijek bila prijateljski nastrojena prema našoj općini.

Međutim, želimo istaći kako je inicijativa koja se našla kao točka dnevnog reda na jednoj od prethodnih sjednica koja se tiče davanja imena kino sali, jako ishitren potez. Ja ne znam koliko je ko upućen, ali ova kino sala je obnavljana još dva puta mimo ovoga. Prvi put poslije rata, a drugi put od strane Belgije, tačnije pomoć je stigla od Bersela koji je pobratimljen sa našim gradom. Tada je dolazio njihov gradonačelnik kome je dodijeljeno najviše općinsko priznanje. Ja se pitam da li ćemo mi na ovaj način omalovažavati naše ostale donatore. Da li na taj način degradiramo naše ostale donatore koji su pomogli pri sanaciji klizišta, stambenih objekata, javnih ustanova. Pitanje da li bi bilo u redu da se pokrene inicijativa da se naša sportska dvorana nosi naziv «Tika», jer slijedeći logiku ove inicijative ne bi trebalo biti nikakvih problema.

Već sam navela razloge zbog kojih smatramo da ne bi trebalo da kino sala nosi naziv Sarah Bernardt, a pored toga Kino sala nije zasebna ustanova, već je ona u sklopu Doma kulture «Edhem Mulabdić», a hvala bogu svi znamo ko je on i šta on znači za Maglajlije i grad Maglaj.

Iz svega navedenog Klub vijećnika SDA će ostati suzdržan po ovom pitanju a duboko poštujući zasluge i pomoć Francuske Ambasade.

Predsjedavajuća OV, zaključujem raspravu i dajem na glasanje

ZAKLJUČAK

15.1. Donosi se Odluka o davanju naziva Kino sali «Sarah Bernardt», Doma kulture «Edhem Mulabdić» u Maglaju, a po prijedlogu Ambasade Republike Francuske.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Fermić Hajrudin, Delić Fikret (DF).

Glasalo je 10 glasova uzdržano: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA, Josip Jurišić (HDZ).

AD - 16. Informacija o klizištima na području općine Maglaj;

Otvaram raspravu

Vijećnik Hajrudin Fermić, mi smo u DF-u dugo razgovarali o sadržaju ove Informacije o stanju klizišta na području općine Maglaj. Zadovoljstvo je da imamo tu Informaciju pred sobom, i da još jedanput sagledamo koliki je stepen, odnosno nivo problema i opasnosti sa kojima se općina Maglaj suočava. Iz Informacije čitajući nije baš jasno kako i na koji način, kojom metodologijom su se procjenjivali ovi finansijski efekti potrebnih sredstava za sanaciju ili eventualnu prevenciju klizišta kako onih koji ugrožavaju stambene objekte, stambeno poslovne, tako i infrastrukture. Mi smo izračunali da bi samo po onim ciframa koje ste vi izbacili potrebno bilo oko 13,5 miliona KM i to su ogromna sredstva, ali i svakako problem o kojem ne možemo danas da ne progovorimo nešto i da čekamo iduće godine informaciju i ako nam priroda to omogući. Ono što je takođe indikativno jeste da od 20

mjesnih zajednica u 17 ili 18 zabilježena klizišta, čak i Maglaj grad. Može se reći sa manjim ili većim intenzitetom klizišta su zabilježena na svakom pedlju općine Maglaj. Baš me interesuje na koji način se došlo do ovih finansijskih pokazatelja, da li je to radila neka stručna komisija, da li građevinski inspektor, Služba itd.

Također me interesuje i razlog zašto u ovoj informaciji koju je radila Služba CZ, nije bilo mišljenja i drugih nadležnih službi po tom pitanju? Mislim da bi dobila puno više na težini i ozbiljnosti ta informacija kad bi se čula različita mišljenja i inspekcije i službi. Ono zbog čega sam se javio jeste želja da se pomene da postoji nekoliko dobrih analiza, studija i procjena rizika od klizišta kad je u pitanju općina Maglaj i ovo bivše Općinsko vijeće a ima vijećnika koji su bili u prošlom sazivu mogu da se sjete i Doktora Šefika Muhića koji je ovdje i prezentovao ovu Studiju. Ja bih na neki način sugerisao i Načelniku i vama u Službi da postoji jako kvalitetna Studija koja se zove procjena rizika od poplava i klizišta za stambeni sektor u Bosni i Hercegovini koji je uz pomoć EU uradio Institut za hidrotehniku u Sarajevu. Ljudi koji su bili na terenu bili su danima i sedmicama a između ostalog i u Maglaju i ono što je strašno u toj procjeni se kaže da je najveće poklapanje opasnosti, nakon svih mogućih parametara, faktora i svega onoga što stoji u toj analizi rečeno da je najveće poklapanje opasnosti poplava i klizišta upravo na području općine Maglaj i to na 3,4 ha. Oni su dali niz preporuka i sugestija za cijelo područje koje je bilo predmet njihovog moritoringa i ovo je važno da ozbiljno o tome razgovaramo u nekom slijedećem periodu. Oni su predlagali konstruktivne i nekonstruktivne mjere. Konstruktivne mjere podrazumijevaju one mjere velikih građevinskih radova, tipa gradnje obalo-utvrda itd. a za Maglaj su rekli izričito i samo kad su u pitanju i prevencija i zaštita od klizišta i poplava pomoć nekonstruktivne mjere. Nekonstruktivne mjere uključuju aktivnosti koje se mogu kategorisati kao nefizičke, podrazumijevaju planiranje, projektovanje tih mjera, mjere pripravnosti, okolišna pitanja, ekološka pitanja, pitanja uprave i administracije, finansiranje, zatim fizičke i ostale interventne mjere. To je uvođenje izrade karata, pooštavanje izdavanja urbanističkih, pošumljavanje goleti, održavanje itd. Mislim da bi bilo dobro da mi svi ovo pročitamo, pogotovo ljudi koji su nadležni i plaćeni u općinskoj administraciji. Umjesto da razmišljamo o ovih 13,5 miliona KM, da razmišljamo o puno stvari koje možemo da uradimo za puno manje finansijskih sredstava kao lokalna administracija i lokalni Budžet. Bilo je priče o klizištima i kad smo govorili i o izvještaju i rebalansu Budžeta na koji način kako planski i dugoročno da rješavamo ta pitanja. Također je važno i finansijsko planiranje. Mi možemo da puno toga pričamo, ja koliko sam vidio da postoji mogućnost da se tamo uredi nešto, sanira ili onemogućiti daljnje djelovanje tog klizišta od nekih 1.500-2.000 KM pa do miliona. Hajde da krenemo od nečeg najmanjeg i da razgovaramo i o daljnjem kandidovanju projekata na velika vrata državnih, federalnih institucija i međunarodnih, ali prije svega poslušao bih ove iz Instituta za hidrotehniku koji kažu da je ipak 90% do nas, uslovno rečeno malih poteza.

Anto Maglica, vezano za pitanje kako smo došli do ovih iznosa pa je spomenuo cifru od 13,5 miliona. Prije dvije-tri godine za vrijeme ispitivanja rudnika Brezove Dane, firma BBM je bila uključena u izradu elaborata. U 12 mjesnih zajednica na 44 klizišta tako da vi imate od prilike tamo gdje se spominju veličine m³, površine i iznosi potrebni za sanaciju, to je iz tog elaborata. Također prije od 2010. do 2015. godine rađeni su također Elaborati na nekim klizištima u općini Maglaj koje je radio Federalni Geološki zavod na čelu sa gospodinom Begić Hamidom, tako da smo i iz tih Elaborata uzimali određene podatke i koristili za izradu ove Informacije.

Nije Služba CZ radila sama, ja sam u izradi ove Informacije konsultirao gospodina Hajrulahovića tako da sam od njega dobio dosta dobrih informacija.

Mi smo u Informaciji preporučili Općinskom vijeću i prije da se ovdje mogu raditi određene stvari na teritoriji općine Maglaj, obzirom da je naša općina veoma podložna klizanju terena. Imamo problema sa neplanskom gradnjom, sa neplanskom sječom šuma i sa još nekim divljim deponijama itd. kad bi se na tome radilo više svakako bi se smanjila opasnost od klizanja terena. Mi imamo velikih klizišta i tu su potrebna velika sredstva za sanaciju tih klizišta.

Predsjedavajuća OV, zaključujem raspravu i dajem na glasanje

- Informacija o klizištima na području općine Maglaj se prima k znanju uz sugestiju primjene nekonstruktivnih mjera, odnosno mjera koje idu u pravcu planiranja, preventivnog djelovanja prilikom planiranja i građenja, zaštite okoliša i sl, kao da se nastavi sa apliciranjem projekata sanacije klizišta kod viših nivoa vlasti i međunarodnih organizacija.

AD - 17 Odluka o poništenju dijela Javnog oglasa i raspisivanju ponovnog Javnog oglasa za imenovanje na upražnjenje pozicije u reguliranim organima Općine Maglaj –

člana Upravnog odboru JU "Dom zdravlja " Maglaj i člana Upravnog odbora JU „Narodna apoteka“ Maglaj - iz reda predstavnika Ministarstva zdravstva ZDK

Predsjedavajuća OV, nije bilo rasprave, zaključujem raspravu i dajem na glasanje

ZAKLJUČAK

17.1. Odluka o poništenju dijela Javnog oglasa i raspisivanju ponovnog Javnog oglasa za imenovanje na upražnjenje pozicije u reguliranim organima Općine Maglaj – člana Upravnog odboru JU "Dom zdravlja " Maglaj i člana Upravnog odbora JU „Narodna apoteka“ Maglaj - iz reda predstavnika Ministarstva zdravstva ZDK.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, Mustafa Bešić SBB, Elvir Vehabović SBiH, Mustafa Buljubašić samostalni vijećnik, Fermić Hajrudin, Delić Fikret (DF).

Glasalo je 10 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA,

Glasalo 1 uzdržan Josip Jurišić (HDZ).

Konstatuje se da su vijećnici SDA napustili salu Općinskog vijeća.

Općinski načelnik, Brifing između dvije sjednice.

Aktivnosti na terenu oko sanacija, izgradnja kako već imate informacije iz sredstava informiranja projekat CER 2 je u toku, radovi su izašli iz zemlje, slijedi nastavak izgradnje objekta, a vidjeli ste u izmjenama i dopunama Budžeta da smo smanjili dio planiranih sredstava od strane Općine, dakle, neće biti neophodna, što je pozitivan efekat. Također pri kraju je i sanacija ulice Srebreničkih žrtava rata i obalo utvrde u tom reonu. Danas je trebalo započeti asfaltiranje od benzinske pumpe «Energopetrol».

U toku je sanacija ostalih saobraćajnica na području općine Maglaj u skladu sa programom održavanja koje je Vijeće imalo na uvidu i prihvatilo.

Zatim nekoliko kritičnih tačaka na koritu rijeke Jablanice, sredstvima od Civilne zaštite, namjenski dobijenih prema aplikacijama koje su bile.

Po istom osnovu će se započeti radovi na Bijeloj Ploči dole gdje se skuplja velika količina vode uslijed padavina kada se iz Bijele Ploče ide prema Jablanici.

Završava se tenderska procedura za poslovnu zonu u Misurićima, mislim da krajem ove sedmice ističe rok, poslije toga ide rok žalbe i ako ne bude žalbi i daljnjih odlaganja poslije toga ide potpisivanje ugovora i idemo u realizaciju.

Kako sam najavljivao da će se na području općine Maglaj registrovati i dvije strane firme to se desilo. Jedna je već ranije registrovana, ali evo završili su objekat za poslovanje i očekuju mašine tako da će se povećati i broj uposlenih.

Pored toga najavljivao sam Švicarsku firmu koja je također registrovana na području općine Maglaj sa sjedištem u Poljicu, a sama postrojenja će biti smještena u objekat «IM transport». Tačnije radi se o četiri firme, ali to je politika vlasnika i ja cijelo vrijeme baratam sa pojmom jedne Švicarske firme.

Imali ste priliku da je u gradu tokom ljeta održan niz sportskih događaja u proteklom periodu pod sloganom «Studentskog ljeta» i djelovanje Organizacionog odbora. Slijede festivalske večeri 25. i 26. 08. «Studentsko ljetno». U proteklom periodu smo imali posjetu delegacija dva Turska bratska grada Čubuka i Altieylul. Sa predstavnicima i Načelnikom Čubuka smo razgovarali o mogućoj privrednoj saradnji i određenim zajedničkim projektima gdje imamo prostora za zajedničko djelovanje. Predstavnici Altieylul su boravili u Bosni i Hercegovini, saradnici Načelnika Altieylula koji su došli u Maglaj da nas posjete i da prezentiraju jedan projekat koji nude općini Maglaj, koji ćete kao vijećnici imati priliku se upoznati.

Ostale redovne aktivnosti Načelnika i službi su u toku iako je ovo sad period godišnjih odmora, ipak svaki dan je radni u punom kapacitetu bez obzira na godišnje odmore, službe moraju funkcionisati.

Već je kraj avgusta nismo imali posebno nekih elementarnih nepogoda, malo ono s kraja proljeća i bez obzira na ove ekstremne vrućine i suše nadamo se da ćemo tako i privesti ovu godinu kraju.

Koliko ima dodatnih pitanja spreman sam odgovoriti.

VIJEĆNIČKA PITANJA I INICIJATIVE

Vijećnik Hajrudin Fermić, pripremio sam pismana vijećnička pitanja i tražim pisane odgovore.

1. Šta može učiniti općinska administracija da se lokalni vodovod «Smajlovac» u Jablanici dovede do faze korištenja za oko 116 domaćinstava?

Obrazloženje: Poznato je da je od 2015. godine do danas u proširenje kapaciteta vode za piće za mještane Jablanice utrošeno preko 90 hiljada KM donatorskih sredstava, a novi objekat, bunar koji je dodatno trebao da osigura nove količine vode za piće još uvijek nakon više od dvije godine nije u funkciji.

Prema tvrdnjama nadležnih iz Udruženja građana vodovod «Smajlovac» radovi koji su izvedeni nisu urađeni prema projektu, iako je nalaz sudskog vještaka utvrdio činjenicu da je bilo propusta u toku realizacije projekta.

Mislim da bi nadležne službe, odnosno općinski načelnik mogli u skoro vrijeme naći način rješavanja ovog problema sa redukcijama u isporuci vode iz ovog mjesnog vodovoda.

2. Pod kojim uslovima Dom kulture «Edhem Mulabdić» Magla iznajmljuje pod zakup objekte, odnosno prostor kojim upravlja?

Tražim da mi se uz odgovor dostavi i kopija važećih ugovora.

Vijećnik Bešić Mustafa,

Pitanje se odnosi na problem vodovoda. Nedavno sam ovdje razgovarali i pričali o problematici novošeherskog kraja i pitke vode.

Načelnik je upoznat samo želim da upoznamo javnost i da vidimo šta se može uraditi po pitanju vodosnabdijevanja na cijelom novošeherskom kraju. Imamo Domislicu, Čobe, Kopice, Šeher je trenutno riješen. A šta se može uraditi sa ostalim mjesnim zajednicama Domislica, Čobe, Kopice. Imamo problema sa pitkom vodom samo 4 sata u toku 24 sata imamo pitku vodu. Ima li ikakvog rješenja da te mjesne zajednice dobiju određenu količinu iz vodovoda Novog Šehera? Koliko raspolaže Novi Šeher sa rezervom vode? Svi znamo da je prije 10-15 godina od kako je urađen vodovod u Šeheru bila je donacija od milion KM i pitamo da li mi ostale mjesne zajednice koje nismo obuhvaćene tim vodovodom možemo se priključiti na taj vodovod? Molim da nam se pomogne po tom pitanju.

Vijećnica Svjetlana Zamboni,

Obzirom da je Općinski načelnik naveo da u narednom periodu počinje asfaltiranje II faze ulice Srebreničkih žrtava rata, ja bih molila da ukoliko postoji mogućnost da se nekoliko udarnih rupa koje se nalaze na potezu od kraja sanirane dionice pa do malog mostića do skretanja prema Salkićima, ukoliko postoji mogućnost da se tih nekoliko udarnih rupa sanira, kako ne bi izazivale poteškoće u odvijanju redovnog saobraćaja.

Vijećnik Armin Hrnjić,

Koliko je novca sakupljeno u gotovini poslije poplava i u što je taj novac utrošen?

Općinski načelnik je dao ukratko neke odgovore.

- Gospodin Fermić će dobiti odgovor na oba pitanja. Smajlovac je nešto što već par godina ima problem. Ja sam uspio sakupiti aktere ovog Vodovoda, resornu službu, nadzorni organ, udruženje Vodovoda «Smajlovac» i izvođača radova i razgovarali smo u Općini. Očigledan je problem da vodovod nije u funkciji. Očigledno ima grešaka kod izgradnje i izgleda da ima od strane ovog Udruženja zahtjeva šta bi voljeli, šta ne bi, a što nije bilo tretirano glavnim projektom. Dogovoreno je da se izvrši jedna analiza i ta analiza je dostavljena neki dan u Općinu Maglaj i da se dostavi pored Udruženja, Izvođaču radova i da onda sjednemo ponovo da vidimo da se otklone te greške. Ono što sam tada predlagao ovom Udruženje, dajte pustite vodu da teče, da se iščišćava i bunar i vodotok i cjevovod i sve da li su to uradili, ne znam u ovom trenutku, ali dobit ćete informaciju i bit će još jedan sastanak u međuvremenu. Najbolje bi bilo da se završi taj sastanak i da dobijete detaljnu informaciju.

- Za Bešića kratka informacija. Ja imam u planu da pokušamo napraviti da li idejno rješenje, idejni projekat, ili ne znam na kojem nivou vodovod na cijelom novošeherskom kraju. Cilj je a to moramo razgovarati sa Udruženjem vodovoda u Novom Šeheru, cilj je da ono postrojenje za prečišćavanje može zadovoljiti potrebe čitavog novošeherskog kraja, stavimo u funkciju i da pokušamo da svedemo sve vode i Čobe i Kopice i Domislicu i Šeher da se prečisti i da se istim kanalima vrati nazad. Dakle, da napravimo jedan projekat da apliciramo, vidjet ćemo da li je to moguće, ako bude moguće onda valja polako aplicirati i rješavati korak po korak.

- Dok završe ovaj dio asfaltiranja, pokrit ćemo i te gore rupe.

- Vezano za informaciju koju je tražio Armin, ažurirat će se podaci koliko je novca prikupljeno, gdje je investiran, dobit ćete odgovor u pisanoj formi.

Završeno u 14,35 sati.

Vijećnici SDA su se vratili u salu Općinskog vijeća i uručili pisana vijećnička pitanja.

Vijećnik Adis Abdurahmanović,

Na petoj redovnoj sjednici održanoj dana 06.04.2017.godine, doneseni su zaključci koji su vezani za Odluku o utvrđivanju namjene prostora za bušeni bunar EB-1 na prostoru Regulacionog plana Kosova i to kako slijedi:

- Zadužuju se nadležne službe i komunalno-sanitarni inspektor da redovno informišu Općinsko vijeće o svakoj aktivnosti i svakoj fazi daljne realizacije na izgradnji bunara EB – 1.
- Zadužuje se UG Vodovod Donja Kosova da redovno vrši analizu vode kako hemijske i tehnološke tako i na teške metale i da o tome obavještava Općinsko vijeće.

Pitamo se i tražimo odgovor zašto se nisu ispoštovali gore pomenuti zaključci?

Vijećnik Safet Jašić,

Klub vijećnika SDA traži da se dostavi informacija Općinskom vijeću za sve dodijeljene jednokratne novčane pomoći od 01.01.2017. godine do danas i to po svim osnovama.

Vijećnica Smajlović Dženita,

Klub vijećnika SDA ponovo postavlja vijećničko pitanje vezano za zbrinjavanje pasa lotalica obzirom da do sada nismo dobili odgovor, te da li je potpisan ugovor o zbrinjavanju pasa lotalica sa nekim subjektom i kada? Obzirom da ovaj problem nije prisutan samo u gradu već i u svim mjesnim zajednicama.

Zapisničar,
Nisveta Džajić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.



PREDSJEDAVAJUĆA OV,

Svetlana Zamboni